



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Bavar.

2863^a/1,1

valentinus
wieninger
aus. Land




<36634594430019

<36634594430019

Bayer. Staatsbibliothek

**IUS CIVILE
PRIVATVM.**



SCRIPTIT

AC

DETERMINATIONES

IURIS BOICI

ADDIDIT

ADAMVS WEISHAÜPT

**IURIVM DOCTOR EORVNDÉMQVE IN ALMA CA-
THOLICA AC ELECTORALI VNIVERSI-
TATE ANGLIPOLITANA PROFESSOR
EXTRAORDINARIVS.**

TOMVS I.

**INGOLSTADII,
SVMP TIBVS ANTONII ATTENKHOVER
BIBLIOPEGI ACADEMICI**

1 7 7 3.

**Bayerische
Stadtbibliothek
München**

Digitized by Google

**Von Gottes Gnaden Mari-
milian Joseph in Ob- und Nieder-
baiern, auch der obern Pfalz Herz-
zog, Pfalzgraf bey Rhein, des H. Röm.
Reichs Erztzuchses, und Churfürst,
Landgraf zu Leuchtenberg &c. &c.**

Unsern Gruß zuvor, Hochgelehrter, Lieber, Ge-
treuer! Demnach wir bey unserm nachgesetzten
Bücher Censur Collegio das von dir gehor-
samst eingesendete, und wieder zurückgehende Jus
civile privatum gewöhnlicher massen prüffen
lassen, und sich dabey geäußert, daß nicht nur
dein Buch nichts in sich führet, so gegen die
Religion, den Staat, und gute Sitten anstosset,
sondern auch über dieß dir Ehre machet; als ha-
ben wir dir ein solches unverhalten lassen, und
die mitgehende Approbation, die du deinem Werke
unausbleiblich vorzusetzen hast, zuschließen wollen.
Sign. München den 28. Junius 1771.

Wilhelm. Bodiczka Secr.

AEVITATI AC MEMORIÆ
ILLUSTRISSIMI AC EXCELLENTISSIMI
DOMINI, DOMINI
JOSEPHI FRANCISCI
S. R. I. COMITIS

SEINSHEIM


DOMINI IN SÜNCHING, WENG, MOS-
WENG, SEEHAUSEN, HOHENROTTE-
HEIM, ERLACH, MARCKBREIT, PREZ-
FELD, WANBACH, GRAFENTRAUBACH,
GRASSLFING, HOPFKIRCHEN, ET
SCHONACH &c.

ELECTORALIS BAVARICI S. GEORGII
ORDINIS EQUESTRIS

MAGNI COMMENDATORIS
REGNANTIS ET GLORIOSISS. MEMO-
RIÆ CÆSAREARUM MAJESTATUM, NEC
NON SERENISS. AC POTENTISS. ELECTO-
RIS BAVARIÆ &c. CONSILIARII INTIMI AC-
TUALIS, RESP. CAMERARII ET CON-
FERENTIARUM MINISTRI,

MAJORIS DOMUS
UNIVERSITATIS ANGELOPOLITANÆ
PROTECTORIS
ARCHISATRAPÆ IN SCHONGAU
SUPREMI DUCATUS FRANCIAE ORIENTALIS
CAMERARII HÆREDITARII

VIRI. SUMMI. ATQUE. INCOMPARABILIS
QUI.
QUUM. IPSUS
EX. SCHWARZENBURGENSIUM. GENTE
SERENISSIMA
EUNDEM. HABERET. SANGUINEM
ATQUE
FRATRE. CLUERET. REVERENDISSIMO
FRANCIÆ. ORIENTALIS
DUCE
CUM. QUO
GLORIÆ. AC. VIRTUTIS
DUUMVIRATUM. GERERET
MAJORUM. FAMÆ. NON. ADQUIESCIT
SED
GENTIS. ILLUSTRISSIMÆ. HONORES
PRISCOS. VINCERE. CONTENDIT
IPSE. MAJORIBUS. SUIS. DECUS. MAJUS-
FUTURUS
DUM
QUANTUM. AMICITIA. ATQUE. GRATIA
APUD. PRINCIPES. POTESSET
LITTERATORUM. HONORIBUS
EXPERIATUR.
HUIC
TALIS. AC. TANTUS. QUUM. SIT
HOS. DE. CIVILI. JURISPRUDENTIA
CODICES. SUBASCIA. DEDICAT
ADAMUS WEISHAUP
J. D.



ADAMUS WEISHAUP

L. S.



Quod plerique omnes amant
librorum vulgatores, &
quorum cupientes ma-
xime sunt, vel famam,
ac nummos sibi parare, aut præter-
euntium digitis monstrari, illud omne
a me alienum puto, ut qui ad scri-
bendum accesserim, propterea quod
plurimum, iniquis quorundam, qui
ad rem domesticam avidiores sunt,
criminationibus, existimationi meæ
desit. Tentavi magis, aliorum ani-
mos mihi parare, atque in iisdem
eam benevolentiam, ac mansuetudi-
nem

nem excitare, quam mei tantopere ignorant, & quam ab iis frustra diu exspecto. Sunt enim, qui me, qui artes optimas conviciis suis impetant, atque lacessant, qui mihi ferventissimum, quo insimul in elegantiores litteras feror, studium exprobreant, atque adeo inde occasionem arripiant, omnem mihi Juris scientiam negandi, propterea quod ignorent, esse aliquam, eamque amicissimam musarum cum juris scientia conjunctionem. Eos, si quis precibus adhuc locus est, oro, atque obsecro, desinant artes humaniores, ac Philologiae studium nugarum nomine complecti, atque mihi in agro Boico, in ipso Academiae hujus sinu nato, atque educato auram patriam invidere. Si GROTHII, PUFFENDORFII, HEINECCHII autoritas, si pro artium optumarum complexu, ac patrocinio, viri in omni eruditionis genere versatissimi, atque Polyhistoris summi, Illustrissimi LEIBNIZII toto orbe pervulgata existimatio adeo exiguum prodest, si denique ista omnia longius illis petita videantur, volo ut domestico

EXCELLENTISSIMI ICKSTADII exemplo in ruborem agantur, quem nescio, utrum magis extollat solidissima illa, qua in legibus, atque jurisprudentia omni præstat scientia: an pulcerrima illa anima, quæ elegantioribus litteris in Galliis, Brittania, Batavia, ac Belgio imbuta, Matheseos postea, ac sanioris Philosophiæ principiis a magno suo, & orbis universi Magistro ILL. WOLFFIO efformata, rigidiorē illam, ac austeram Jurisprudentiæ frontem styli nitore, ac suavitate, Poetarum latinorum æque, ac græcorum gratiis felicissime temperavit.

Si cui hæc acrius videantur dicta, atque inclementius, ei cum Terentiano proloquio respondeo:

Sic existimet,

Responsum, non dictum esse, quum
læsit prior.

— — — — —
Habeo alia multa, quæ nunc condonabitur,

Quæ proferentur post, si perget lædere

Ita ut facere instituit.

Atque inde est lector amicissime,
cur citius compaream, quam, aut
ego vellem, aut vires meæ patiuntur.
Si qua ergo hisce paginis se obji-
ciant, quæ vel sinistre dicta sunt, vel
præpostere, aut uberius dicenda fu-
erant, confido, veniæ locum fore, si
quis hoc in animum cogitaverit, me
hæc scripsisse, ætate, experientia, li-
bris destitutum, difficillimo, ac labo-
riosissimo vitæ genere impeditum, ac
iniquissimis insuper fortunæ, atque in-
vidiæ telis laceffitum. Illud porro
filere non possum, quod non sine ani-
mi gratissimi commotione palam pro-
fiteri debeo; me inter tot, ac tantas
inimicorum adversum me molitiones,
virum invenisse, qui licet nulla vel
sanguinis, vel alia necessitudine mi-
hi conjunctus, nullo commodo do-
mestico (neque enim a me sperare
quidquam poterat) sed solo, quo lit-
teras omnes complectitur, amore
atque fervore adductus sumtus, ad
libri istius vulgationem ultro mihi
obtulerit. Quo facto sacrum
illud

illud, cui præest officium, mirifice ornavit, infimul autem reliquis omnibus mansuetudinis veræ christianæ, atque purissimi erga litteras, & litteratos amoris exemplar exhibuit.

Sed vereor, ne hoc ipsum scutum, quod invidiæ, atque injuriis objicio, noviter telis petatur. Dicar enim in ipsis juventæ annis temere opus quoddam aggressus, arduum, diuturnum, cui humeri nostri non sufficerent, cujus, quum ab ipso jurisprudentiæ ortu hominum summorum ingenia ad hunc usque diem semper exercuisset, nullum jam sit dictum, quod non dictum sit prius curatius, nitidius, atque ad fora nostra adplicatius. Respondebo tamen, quantum in me est, ut hoc quoque telum declinetur.

Annis illis, quibus nupere ad jurisprudentiam animum adjeci, accidit, ut duo maxime fastidirem, quæ me vix non ab arctiori legum complexu prohiberent: Jurium illa diver-

veritas, atque campus immensus, in quo vires experirer, diversarum insuper legum conlictus, ac pugnae gravissimae, plurimarum, denique vel omnino nullus, vel dubius saltem valor. Cui tum fidem haberem? ad quam partem mens dubia inclinaret? optavi ad manum libri essent, qui viam sternerent. Contigit, ut haberem; legi: qui mihi satisfacerent, non inveni. In his doctrinae angustiam, in illis dicendorum ubertatem, ac copiam criminabar. Illa famem vix explere, haec amplius propinare, quam digererem. Si qua iusto volumine legum doctrinam complecti videbantur, in iis ordinem desiderabam, in aliis authoritati magis, quam rationi tribui animadverteram. Fastidiebam importunas in utraque pagina antiquitatum adlegationes. Maxime tamen me commovit praepostera Academicorum nostrorum studendi ratio, qui Academiam hanc nostram ingressi, dum primo mox anno patrio juri dant operam, neciunt, quid sibi oneris imponant, dum nulla legum naturalium

lium notitia imbuti, Romana, Germana, Boica una hauriunt.

Huic malo ut mederer, quantum in me est, ad laborem hunc accessi, metho-
cū nsequutus, nescio, an dicam bonam,
apparent enim hiatus multi, in quibus
eam quam maxime desidero: rationi
magis, quam authoritati largior, nisi ejus
ulum sanioris logices regulæ doce-
ant: easdem sequutus, a determi-
nantibus ad determinata progredior.
Juris naturalis principia, quantum
fieri potuit, viam sternunt, ostendo
Romani juris determinationes, ei-
dem jus Germanicum substituo, quum
ejus valorem nullum deprehenderem;
Denique omnes, quotquot inveni,
Boici juris differentias adjicio. Erit
inde, ut Academici, quorum jurium,
atque legum diversitatem, atque
pugnam fastidiebant, eorundem har-
moniam complectantur. Quod dum
mecum intendo, ne quis mihi vitio
det, si ab antiquitatibus abstineo,
nisi ubi ad rationes legum inveni-
endas faciunt: jus hodiernum enim
scri-

scribo, non antiquum: academicis Tyronibus hæc scripta sunt, non jurium doctoribus. Illi, ubi in Academiis, necessariis animum imbuerint, reliquis vitæ suæ annis id amplectentur, quod juris scientiam ornat quidem, atque extollit, a multis tamen tuto ignorari potest. Quod stylum attinet, sponte fateor, in eo latini nihil, nihil nitoris, atque salis deprehendi, sed barbara multa esse, minus latina omnia, quæ festinatio extorsit. Eadem manum a tabula removit, quum materiæ, quæ de Universitatibus in genere tractat, Universitatum quoque species addere pararem. Sancte tamen fidem do, evanescent hæc omnia, si contingat secundas curas operi imperfecto accedere.

Ultimum vereor, ne quis historiæ litterariæ ignorantiam mihi vitio vertat: quod si peccatum est, ostentationis fuga peccatum est: admisi vitium hoc, ut aliud turpius evitarem. Nolui more multis familiari, adlegationibus uti aliorum, nolui eorum

rum testimonio uti, qui visi mihi nunquam fuerunt. Optavi non raro, libros quosdam consulere, qui mihi deerant, quos tamen in aliorum manibus sciebam. Accessi, rogavi, ut inspiciendi copia esset, sed quorundam humanitas me iisdem carere voluerat.

Atque hoc testimonio quum pagellas meas in orbem nunc statim profecturas firmaverim, eas a me dimitto, quam sortem habuerint, parum curo; certe illis pejus esse nequit, quam auctori. Vale Lector! &, si Deus vitam, ac Principis mei gratia, vitæ genus tranquillum magis, atque otium dederit, quod reliquum est laboris, brevi a me expecta.

Dabam ex Angelopoli VI. Calend. Jun.
Anno CIO IO CCLXXI.

CON-



CONSPECTUS

TOMI I.

I. Tractatio præliminaris.

II. Jurisprudentia ipsa, quæ duabus partibus absolvitur.

1) Theoria legum civilium. Hæ versantur

A. Circa personas, & statum hominum. L. I.

a) In genere. Sect. I. C. I.

b) In specie.

1) Naturalem. C. II.

2) Adventitium.

a) Non socialem. Sect. II. quorum pertinent

α) Homines integræ famæ. C. I.

β) Personæ liberæ, & servientes. C. II.

γ) Rustici. C. III.

δ) Nobiles. C. IV.

1) In genere. Membr. I.

2) Apanagiati. Membr. II.

3) Aviti. Membr. III.

4) Mediati, & immediati.
Membr. IV.

5) Nobiles mere personales.
Membr. V.

6) Bavarici. Memb. VI.

β) Socialem. Sect. III. ubi agitur

α) De societatibus in genere.
C. I.

β) In specie.

1) De societatibus, quæ du-
obus tantum individuis
constant, sicque

a) De societate paterna.
Cap. II.

b) Matrimoniali. Cap. III.

c) Tutorum, ac pupillo-
rum. C. IV.


2) Quæ pluribus, quam duo-
bus

bus individuis constant,
feu collegiis. Sect. IV.

3) Quæ pluribus familiis
constant, feu universita-
tibus. Sect. V.]

B. Circa res. L. II. & III.

2) Theoria praxeos civilis. L. IV.



CAE

I. Cur compilatum est corpus iuris.

1. i. immensa iuris romani moles.
2. infelix aliorum conatus.
vide Heinec. Recit. proe. p. 2.

II. Cuius auctoritas. et a quo.

1. iustiniani imperatoris auctoritas,
et auctor ~~Theophrastus~~ ^{tribonianus}. editus 529.

III ex quibus libris conflatum est, et

constat. 1. Codex iustinianus 529

2. instit et Pandectis. 529.

3. codex repetito placet. 534.

4. novello, et authenticis.

5. Libri feudorum auctore

gerardo nige. et obertus ab

otto orlo conf. mediolanenses.

sec. XII. hugolinus uti

aditamentum novellarum ad-

dilis, qui postea unicum

lege romana, regili fecerunt.

IV. quoniam horum auctoritas, valent qua-
tenus recepto sunt leges, et 2 lex posterior
de rogat priori.

VI. institutiones continent ius perso-
narum, actionum et rerum.

Pandectis adhuc. Reges processuales
criminales. et politicas.

De iustitia

quid est conformatio actionis
externarum civilium cum
lege civili.

quomplex 3plex. alia naturalis
divina alia, alia humana.

cor. iis lex iustitia sint
concellata.


De lege. et iure

iis sumitur modo proprie, modo
improprie.

Improprie pro lege. pro complexu
legum, pro iuris prudencia, et
pro facultate moralis aliquid agendi
alterum obligandi ad aliquid agendum,
omittendum. vel dandum gnofus.

Improprie. a. pro sententia.
b. pro exco iudicio
iis aliud est rationale. aliud reale.

De lege.
norma per regula iusta obligatoria



CAPUT
PROEMIALE
 DE
JURE,
 ET DIVERSO
 EJUS SIGNIFICATU.
 §. I.



JUS hoc loco sumitur 1. Pro
 Lege. 2. Pro complexu
 legum. 3. Pro Jurispru-
 dentia. *Legis* significa-
 tus alius est *latior*, alius *strictior*.
 Lex in sensu latiori est norma quæ-
 vis obligatoria.

A

In

In sensu latiori sub nomine legis continentur omnes ejus species v. g. leges conventionales, positivæ, & naturales.

§. 2.

Lex in sensu strictiori, seu *positiva* est norma quævis obligatoria subditis ab Imperante data.

PROP. I. Legem fert Imperans, seu qui habet imperium civile in aliqua civitate.

COR. I. Pro universo Imperio legem dat Imperator cum Statibus.

2. Pro territoriis particularibus germaniæ Principes territoriales.

3. Non vero dicasteria Principis juridica,

4. Neque etiam Landsassii in terris, quas possident, mediatis.

5. Neque Princeps appanagiatus.

6. Aut ille, qui caput alicujus familiæ est, fert leges in sensu supra memorato,

§. 3.

PROP. II. Lex datur subditis.

Subditus est, qui jurisdictioni alicujus territoriali est subjectus, qui

subditorum actionibus a deo natura
vel homine praescriptis, seu promulgatis.

cor. Lex debet esse iusta.

Cor. Legem facit deus. natura, vel homo

cor. hinc dantur, leges divinae. uti

dogmata. 2. leges naturae. absolute
tales, et hypotheticae. 3. humanae

a: vel seculares. b: vel ecclesiasticae

1. seculares sunt a. leges fundamentales

b. statuta.

c. civiles in d. regibus,
in d. principibus, etc.

2. ecclesiasticae disciplinae.

a. interpretativa

b. positiva

c. volitiva.

quid imperans.

quid subditus

qui vel *temporarius*, seu *advena* est, vel *perpetuus*. Subditus perpetuus vel ratione suorum bonorum, vel ratione suæ personæ, vel ratione utriusque simul jurisdictioni alicujus pro perpetuo est subiectus;

Inde subditi perpetui vel *forenses*, vel *incola*, vel *mixti* sunt.

COR. 1. Eatenus quis obligatur legibus alicujus territorii, quatenus est ejus subditus.

2. Advena obligatur legibus, quæ disponunt circa objectum naturaliter jam prohibitum, vel præceptum.

3. Advena obligatur legibus, quæ in advenas sunt latæ.

4. Advena obligatur, ne agat contra leges territorii, in quo existit, quibus cavetur damnum, quod æque per advenas quam cives oriri potest.

5. Advena tenetur legibus, quibus certa forma est præscripta, quatenus inde commodum sperat.

6. Subditus forensis obligatur legibus, quæ feruntur in bona.

7. Subditus incola obligatur legibus, quæ feruntur in personas.

8. Subditus mixtus tam legibus, quæ feruntur in res, quam etiam reliquis tenetur, quatenus in ipsum quadrant.

§. 4.

PROP. III. Omnis lex involvit obligationem, quæ cognoscitur ex verbis legum dispositivis.

COR. 1. Confilia non sunt leges.

2. Neque etiam suasiones legum.

3. Aut definitiones, & divisiones legum.

4. Rubricæ doctrinales non sunt leges.

5. Neque etiam legales, quæ sensum integrum grammaticum non efficiunt.

§. 5.

PROP. IV. Subditi obligantur ex lege (§. 4. & 3.) adeoque eidem obedire tenentur, seu quod idem est, rationem agendi ex lege desumere debent, quod fieri non potest, nisi sciant, quid in lege sit contentum: quod quum in legibus positivis ex sola ratione nequeant cognoscere, necesse est, ut imperans efficiat, quo possint venire in notitiam legis. Actus per quem efficitur, ut subditi possint venire in notitiam legis, dicitur *promulgatio*: sequitur ergo *legem positivam*

obscure quid:

quid promulgatio:

tivam non aliter obligare, quam si sit promulgata.

COR. 1. Promulgatio est essentiale legis, sed consecutivum, non constitutivum.

2. Per promulgationem ignorantia legis fit vincibilis.

3. Facta promulgatione ignorantia legis neminem excusat.

4. Facta promulgatione lex statim obligat, nisi aliud tempus ab imperante sit determinatum.*

5. lex ad causas præteritas trahi non potest, nisi 1) sit declaratio legis dubiæ prioris, aut 2) imperans expresse velit legem noviter latam esse trahendam ad causas in judicio pendentes.

6. Qui audit de projecto legis, nondum inde obligatur.

7. Sufficit promulgationem legis factam esse in urbe principali, aut proclamatione, aut affixione ad valvas, aut editione legis publica in typis.

SCHOLION.* Non obstat rubrica novellæ

66. utpote quæ legalis non est, vel si etiam legalis foret, tantum de legibus testamentariis foret intelligenda.

§. 6.

PROP. V. Lex prout imperantis voluntate constituitur, ita etiam ejusdem voluntate rursus definit. Est autem voluntas imperantis vel
ex-

expressa, vel tacita: inde lex vel *nova lege scripta contraria*, vel per *consuetudinem* contra eam introductam definit. Quod utrumque vel pro parte fit, vel in totum; hinc mutatio legis abit in *abrogationem* & *derogationem*.

SCHOLION I. Quomodo lex cesset per collisionem, infra dicemus.

SCHOLION II. Nota legem generalem abrogari per aliam generalem, non vero specialem per subsequentem generalem, nisi in ea expresse contineatur clausula omnium jurium anteriorum specialium cassatoria. *L. 80. ff. de Reg. Jur.* cum quo consentit *Jus Bav. P. I. c. 1. §. 12.*

§. 7.

Omnis lex constituitur voluntate imperantis (§. 2.) Est autem voluntas imperantis vel *expressa*, quæ ejusdem verbis declaratur, vel *tacita*, quæ ex ejus factis vel conniventia, & patientia concluditur: inde leges in duas abeunt species *scriptas* & *non scriptas*.

SCHOLION. Alius tamen sensus est legis scriptæ in sensu grammatico, qui a sensu ejus juridico probe est distinguendus.

§. 8.

Jus non scriptum diuturnis populi moribus introductum dicitur *consuetudo*, quatenus consideratur pro lege, vel jure.

SCHOLION. Consuetudo differt a *traditione*, quæ est jus a majoribus constitutum, de cujus tamen verbis propriis non constat, nisi quatenus ortenus, vel in scriptis ad nos fuit propagatum.

§. 9.

PROP. I. Consuetudo necessario supponit consensum principis tacitum. Est autem consensus principis tacitus vel *legalis*, qui in lege continetur, vel *personalis*

COR. I. Omnis consuetudo sua natura excludit consensum principis expressum.

2. Si consensus principis legalis adest, personalis est superfluous.
3. Consensus principis legalis probari non debet.
4. Si deficiat consensus principis legalis, necessario requiritur personalis.
5. Qui probari debet.

SCHOLION I. Consensus principis legalis dicitur etiam *generalis*, quod omnes omnino consuetudines approbet, & *antecedens*, cum eas approbet, priusquam sint introductæ.

SCHOLION II. Consensus principis personalis dicitur etiam *specialis*, quia aliquam consuetudinem in specie tacite approbat, & *consequens*, quia primum consequitur consuetudinem jam introductam.

§. IO.

PROP. II. Consuetudo introducitur moribus populi: mores autem populi, per quos introducitur, debent esse tales, ut inde possit ad consensum principis tacitum concludi.

COR. I. Actus isti debent esse *rationabiles* seu non debent repugnare legi naturali, divinæ, aut bonis moribus.

2. Isti debent sæpius poni, seu sint *frequens*

- quentes*, ita tamen, ut numerus actuum quinam sufficiens sit, prudenti iudicis arbitrio sit relinquendus. *MÆV. P. 4. D. 3. n. 7.* Sunt, qui duos sufficere credant, si plures haberi nequeant, & actus contrarius longo tempore non sit positus. *LAUTERBACH ad collig. Pand. L. I. tit. 3. §. 36.*
3. Actus isti debent esse *publici*, non *clandestine peracti*.
4. Non debent esse *contrarii*, seu interrupti: actus unicus contrarius vitiat totam consuetudinem.
5. Actus tamen *difformes*, seu non eodem semper modo peracti, si sint pauciores, non memorantur, & habentur pro non gestis *BERGER Oecon. Jur. L. I. tit. 1. §. 19. not. 3.*
6. Actus isti debent esse *spontanei*, propterea quod in actibus non spontaneis populi consensus non adsit.
7. *Diuturni*, hoc est certo tempore continuati, *JURE BAV.* consuetudo debet esse continuata per 30. annos, nisi per eam lex prior vel confirmetur, vel interpretanda sit. *CODEX BAV. P. I. Cap. 2. §. 15. n. 3.* Jus commune nullum tempus determinat, sed arbitrio iudicis relinquitur, an intra istud tempus consensus principis tacitus potuerit adesse.

§. II.

PROP. III. Consuetudo est facti.

COR. I. Consuetudo præsumi non potest, sed probari debet, nisi sit notoria.

2. In consuetudine ea probanda sunt quæ sunt facti.
3. Consensus principis personalis legali deficiente probari debet, probatur autem ex lapsu temporis.
4. Uti & frequentia actuum, & eorum diuturnitas.
5. Actus rationabiles, & non interruptos fuisse probari non debet.
6. Consuetudinis probatio in genere regulariter non sufficit; Exceptionem vide apud LEYSER *specim. 9. med.* 8. plura vero de probationibus vide apud MASCARD. *conclus.* 424. & seq.

§. 12.

PROP. IV. Consuetudo legitime probata habet omnes effectus legis.

- COR. I.** Consuetudo jus novum introducit
2. Jus antiquum corrigit.
 3. Jus dubium interpretatur.
 4. Jus prius omnino tollit.
 5. Effectus specialis, quem producit, est quod inde oriatur *conditio ex moribus*.
 6. Iisdem modis definit, ac lex scripta.

§. 13.

Consuetudo in diversas abit species 1) *ratione effectus*. 2) *ratione objecti*. 3) *ratione subjecti*.

Ra-

Ratione effectus. Consuetudo vel *interpretativa* est, vel *correctiva*, vel *introduciva*.

Ratione objecti vel versatur circa actus judiciales, vel extrajudiciales: datur ergo consuetudo tum *judicialis*, tum *extrajudicialis*. Judicialis prout versatur vel circa actus, qui modum judicandi concernunt, vel scribendi in iudicio, abit in *observantiam fori*, & *stilum curiæ*. Observantiam fori in pluribus foris conspicuam *praxin* dicunt.

Ratione Subjecti denique consuetudo vel *universalis* est, vel *particularis*, vel *localis*.

§. 14.

Leges voluntate principis expressa conditæ dicuntur leges scriptæ (§. 7.) quæ, si ad omnes omnino subditos ferantur, *edicta*, si ad quosdam tantum sint latæ, *constitutiones Principum* vocantur.

SCHOLION. Alius constitutionum a principe latarum significatus occurrit in jure Romano, ubi earum nomine continentur leges ab Imperatoribus cum exclusione Senatus latarum.

PROP. Constitutiones principum ex sua natura nunquam sunt veræ leges.

§. 15.

Constitutiones principum nunquam ex sua natura sunt veræ leges (§. 14. Prop.) fieri tamen potest, ut illis potestas omnes obligandi subditos conferatur, consequenter ut leges proprie tales fiant: aliæ vero istarum constitutionum dantur, quæ in leges proprie tales mutari non possunt: inde constitutiones principum omnes quidem sunt speciales, quia ad aliquos tantum subditorum diriguntur, dividi tamen possunt in *constitutiones speciales stricte tales*, & *minus stricte tales*.

§. 16.

Constitutiones minus stricte tales ad quosdam tantum subditos diriguntur (§. 14.) ita tamen, ut leges proprie tales fieri possint (§. 15.) quæ vel feruntur ad preces supplicantium in causa controversa, & dicuntur *decreta*, in quibus vel punctum principale, *decreta definitoria*, vel causa incidens definitur, *decreta interlocutoria*, vel continent responsum ad libellos precantium, *rescripta*.

PROP. Decreta sunt constitutiones speciales minus stricte tales.

COR. 1. Decreta ex sua natura nunquam sunt leges veræ.

2. fieri tamen possunt veræ leges, si ferantur ab ipso imperante, aut saltem eo præsentem, quod fit, si a) omnibus promulgentur. b) contineant interpretationem juris prioris. c) aut collectioni juris inferantur. **ORACUL. JURID. Tom. 4. p. 862.**

3. Si vero ferantur a Judicibus, vel etiam dicasteriis juridicis nunquam vim legis veræ obtinent, nisi per modum interpretationis Usualis.

4. Decreta solum jus faciunt inter partes.

SCHOLION I. Miror a DD. quibusdam Decretis, non definitoriis tantum, sed etiam interlocutoriis, quæ a iudicio, sive dicasteriis juridicis promanarunt, vim legis communis tribui, cum tamen omnes ultro fateantur dicasteriis juridicis, etiam illis Imperii summis, potestatem legislatariam concedi non posse.

SCHOLION II. In Bavaria decreta sunt Mandata Principis non clausa, & Serenissimi manu, ac subscriptione notata.

§. 17.

Rescripta continent responsionem imperantis ad libellos precantium (§. 16.) quæ vel dantur in causis gratiæ, vel Iustitiæ; inde dividuntur in *rescripta gratiæ*, & *iustitiæ*. Quumque præterea modus supplicandi, & personæ supplicantes variæ sint, pro earum diversitate rescripta etiam diversa sortiuntur nomina. Sic Princeps respondet *per annotationem*, si privatorum

li-

libellis supplicibus sententiam suam brevissime subscribit 2) *per epistolam* Magistratui consultanti 3) *per pragmaticam sanctionem* respondet toti cuidam communitati.

PROP. Rescripta sunt Constitutiones; speciales minus stricte tales.

COR. 1. Quæ de decretis §. 16. Cor. dicta sunt, etiam ad rescripta applicari debent.

2. Preces impetrantium debent niti veritate *L. fin. C. de Rescript.* quæ clausula de jure civili expresse inserta esse debet; **DE JURE CANONICO** *C. 2. de rescrip.* iis tacite ex sua natura inest.

3. Si per falsa narrata, aut celationem veritatis absque causæ cognitione fuerint impetrata, si sint gratiæ ipso jure non valent, si sint justitiæ ipsis opponi potest exceptio sub, & obreptionis. **LAUTERBACH Coll. Pand. L. L. 1. tit. 4. §. 10.**

4. *Exceptio obreptionis* locum habet, si circumstantiæ ad rem facientes in precibus fuerunt suppressæ, **SUBREPTIONIS** vero, si falsæ circumstantiæ in precibus allegatæ imperantem ad rescribendum commoverunt.

5. Rescripta requirunt annotationem temporis *C. 9. de rescrip. in 6. Et per L. 4. de Div. rescrip.*

6. Uti & subscriptionem Principis, & sigillum. *L. 3. L. 6. C. de Const, Princ.*

SCHOLION I. Sub rescriptis Justitiæ certo modo continentur decreta, sub rescriptis vero gratiæ privilegia, si ad instantiam concedantur.

SCHOLION II. In Bavaria *rescriptum* est mandatum sigillo Principis clausum, a quo differt *signatura*, quæ est mandatum non clausum.

§. 18.

Dantur etiam constitutiones Principum speciales stricte tales (§. 15.) quæ sunt exemptiones a jure communi.

PROP. I. Constitutiones speciales stricte tales nituntur in facto.

COR. Præsumi non. possunt, sed probari debent.

PROP. II. Ad consequentiam non sunt trahendæ.

COR. Non patiuntur interpretationem extensivam.

PROP. III. Exemptio a Jure communi vel ita fit, ut quis sit obligatus reliquis non obligatis, *mandatum*, vel ut quis non sit obligatus manentibus reliquis obligatis, *privilegium in genere*.

§. 19.

§. 19.

Per privilegium in genere quis a jure communi ita eximitur, ut designat esse obligatus reliquis adhuc obligatis (§. 18. Prop. 3.) jam vero vel eximitur totum quoddam hominum genus, vel persona singularis: prius dicitur *Beneficium juris*; hoc vel ad certum quoddam hominum genus est adstrictum, *beneficium juris speciale*, v. g. privilegia mulierum, Clericorum, vel non, *beneficium juris generale* v. g. beneficium restitutionis in integrum, inventarii.

PROP. I. Beneficium juris jam continetur in ipsa lege.

COR. Beneficium juris probari non debet.

PROP. II. Differt a privilegio in genere.

§. 20.

Dantur etiam privilegia, quæ certæ tantum personæ conceduntur (§. 19.) vel quoad actus futuros, vel
B quoad

quoad actus præteritos, quo ultimo significato *aggratiatio* dicitur: si vero concedantur quoad actus futuros vel quis actus ejusdem generis semel tantum ponere potest, *dispensatio* vel sæpius, *privilegium in specie. cel.* HELLFELD *Jurisp. forens.* &c. L. I. tit. 4. §. 98.

PROP. Aggratiatio, dispensatio, & privilegium in specie sunt constitutiones speciales stricte tales.

COR. Quæ de constitutionibus specialibus stricte talibus §. 18. dicta fuerunt, etiam ad singulas species applicari debent.

§. 21.

Est ergo privilegium in specie exemptio personæ singularis a jure communi quoad actus futuros, ita ut actus ejusdem generis sæpius possit ponere.

PROP. Privilegium in specie differt a privilegio in genere. 2. a beneficio juris tam generali, quam speciali. 3. ab aggratiatione. 4. a dispensatione.

§.

§. 22.

Per privilegium in specie quis eximitur a jure communi (§. 21.) quod jus eximendi est jus majestaticum.

COR. 1. Solus imperans habet jus dandi privilegia

2. Jus dandi privilegia pro universo imperio competit Imperatori vi reservatorum.

3. Pro quovis territorio particulari privilegia dant Domini territoriales.

§. 23.

Privilegium respectu ejus, cui conceditur non est lex, sed facultas in ejus favorem concessa: est tamen lex respectu reliquorum, quatenus iis obligationem imponit privilegiatum non turbandi in usu privilegii.

COR. 1. In iis, quæ sunt juris communis, privilegio opus non est, sed ex sua natura requiritur, ut aliquid indulgeatur, quod jure communi non licet.

2. Privilegii concessio intuitu privilegiati non involvit subjectionem.

3. Privilegia etiam extraneis concedi possunt.

4. Possunt dari in omnibus causis, quæ jurisdictioni concedentis sunt subiectæ.

§. 24.

Concessio privilegii a sola imperantis gratia dependet.

COR. I. Ab arbitrio Imperantis dependet, an unum, an vero plures a jure communi eximere velit.

2. Nisi Princeps pacto se obligaverit, privilegio uni concesso nondum est amissa facultas simile etiam alteri concedendi.

3. Privilegia ab imperante concedi possunt expresse vel ad instantiam, vel motu proprio, tacite vero privilegium etiam acquiri potest, si quis connivente Principe diuturno tempore jure quodam singulari usus est, quod tamen tempus immemoriale esse debet. LAUTERBACH

Coll. Pand. L. 1. tit. 4. §. 41. Si vero ab alio quam Principe acquiruntur, sufficit longum tempus. DE JUR. BAV. regulariter requiruntur triginta anni **CODEX MAX. P. I. C. 2. §. 16. n. 2.**

4. Ulterius privilegia acquiruntur a summo Imperante vel titulo oneroso, vel mediante pacto, *onerosa, conventionalia*, vel titulo lucrativo, *gratuita*,

a) Cum Princeps non censeatur jactare suas gratias, in dubio privilegium præsumitur onerosum.

b)

- b) Ad privilegia onerosa etiam illa, quæ intuitu meritorum sunt concessa, seu *remuneratoria* pertinent.
- c) Privilegia onerosa a principe pro lubitu revocari non possunt.
- d) Uti etiam gratuita, nisi sint ad nuntum revocabilia,

5. A principis arbitrio dependet, an alicui velit gratiam facere pro semper, an vero ad certum tantummodo tempus; inde privilegia vel *perpetua* sunt, vel *temporaria*.

- a) In dubio præsumitur privilegium esse perpetuum.
- b) Privilegium temporale expirat lapsu temporis.

6. Ab arbitrio principis dependet, an privilegium velit concedere sub certa conditione, an non: inde privilegium vel *purum* est, vel *conditionatum*.

- a) In dubio omne privilegium est purum-
- b) Privilegium conditionatum pro diversitate conditionis etiam diversos producit effectus.

SCHOLION. Divisio privilegii in *odiosum*, & *favorabile* divisio non est, sed tantum diversus Respectus.

§. 25.

Privilegium aut cum re, aut cum persona quadam tanquam subiecto est connexum.

COR. I. Privilegia vel *realia* sunt, vel *personalia*.

2. Privilegium reale cum re ad hæredes & quoscunque possessores transit.

3. Exspirat cum re, cui inhæret.

4. Privilegium personale regulariter cum persona, cui inhæret, exspirat.

5. In dubio privilegium censetur reale, quod intuitu rei est concessum, & personale, quod intuitu personæ.

6. Si non constat de hoc respectu, privilegium titulo oneroso acquisitum præsumitur reale, quia quilibet, cum onus quoddam intuitu favoris cujusdam subeat rebus suis optimo, quo fieri potest, modo prospiciat.

7. Ad personalia etiam pertinent privilegia personæ mysticæ concessa, quæ pereunt interitu personæ mysticæ.

8. Quandoque etiam privilegia ob specialem rationem, vel etiam, expressam legis dispositionem extenduntur ad alios, ne privilegium fiat inutile. Exempla vide apud LAUTERBACH *Coll. Pand. L. I. tit. IV. §. 29. & 30.*

9. Privilegium toti cuidam familiæ concessum est personale, cum tota familia hic habeatur pro una persona morali.

§.

§. 26.

Privilegia sunt beneficium, & gratia principis: invitis autem beneficia non obtruduntur. *Renuntiatio* est actus, quo quis declarat, se jure suo amplius uti non velle: quod quum vel verbis, vel factis fieri possit, renuntiatio alia *expressa*, alia *tacita* est: tacite quis renunciat privilegio vel *non usu*, si quis, quum potuisset, imo debuisset uti jure suo, eo tamen usus non est, vel *actu contrario*, si quis illius, quod ipsi ex privilegio permittitur, contrarium admittit.

COR. 1. Si privilegium quoddam sit latum in favorem alicujus privatum, eidem quis pro arbitrio potest renunciare, non vero si in favorem publicum.

2. Unico actu contrario privilegium amitti potest. LAUTERBACH *Lib. I. tit. IV. §. 51.*

3. Non usu decennali privilegium amittitur *L. 1. ff. de nund. & COD. MAX. P. I. Cap. 2. §. 16. n. 16.* excipe, si a) casus non evenierit, quo eo uti potuisset. b) si privilegiatus ignoret hoc privilegium sibi competere. c) Si privilegium in mero pri-

privilegiati arbitrio sit positum. d) si sit beneficium juris. e) Si in privilegio sit longius tempus concessum. f) Si de novo confirmatum sit, & denique g) Si usus ejus longior alteri præjudicialis non sit.

4. Qui limites beneficii sibi concessi egreditur, se eo indignum reddit: ergo etiam privilegia pereunt *abuso*.

§. 27.

Quum *revocat* princeps privilegium, declarat, se privilegiatum non amplius velle habere pro exempto, quod vel ex verbis ejus colligitur, vel ex factis: inde revocatio *tacita*, vel *expressa* est.

PROP. Princeps extra casum necessitatis vel utilitatis publicæ privilegia tam onerosa, quam gratuita minus recte revocat, nisi ad beneplacitum fuerint concessa, aut clausulam revocatoriam in se contineant, aut privilegiatus in ejus usu excedat.

§. 28.

Cessante causa cessat etiam id, quod per eam ponitur: ergo privilegia cessant.

- a) Personalia cum persona.
- b) Realia cum re.
- c) Temporalia cum tempore,
- d) Qualitati affixa cum ea qualitate.
- e) Conditionata cum conditione.

§. 29.

Effectus privilegii alius est ex parte concedentis, 2. alius ex parte privilegiati, 3. ex parte reliquorum.

1. *Ex parte concedentis* privilegium regulariter arguit superioritatem.
2. *Ex parte privilegiati*, quod ipsi privilegium det favorem specialem jure communi non concessum.
3. *Ex parte aliorum* effectus est, obligatio ad non impediendum privilegiatum in usu sui privilegii.

§. 30.

Privilegiatus utitur jure suo contra quemvis (§. 29. n. 2.) fieri autem posset, ut alter contra quem privilegio suo utitur in eadem causa sit æque privilegiatus. Quo casu ponenda erit privilegiorum collisio.

PROP. I. Privilegiatus contra æque privilegiatum non utitur jure suo, sed jure communi, nisi unum sit fortius altero. Fortissima autem, privilegia sunt:

1. Privilegia ætatis.
2. Privilegium antiquius præfertur noviori.
3. Duplex simplici.
4. Omnibus paribus privilegium illius qui certat de damno vitando præfertur illi, qui certat de lucro captando.

PROP. II. Per collisionem privilegia non extinguuntur, sed tantum pro casu particulari cessat eorum usus.

II.

DE JURE

QUATENUS SUMITUR PRO
COMPLEXU LEGUM.

§. 31.

Causam civilem appello, quæ interesse civium privatum concernit. *Legem civilem* hoc loco definio illam, quæ determinat, quid in causis civilibus justum vel injustum sit. Complexus vero legum, quæ determinant, quid in causis civilibus justum, vel injustum sit, dicitur *Jus civile*.

SCHOLION I. Sunt & alii significatus juris civilis, unus *eminentior*, quando pro jure Romano sumitur, alius *latterior*, quando sumitur pro omni jure, quod in civitate quadam valet.

SCHOLION II. Quum jus civile in sensu supra definito complectatur omnes leges, quæ versantur circa causas privatorum civiles, hoc loco 1) evolvi debet, quænam, & quot dentur leges, quæ circa causas civiles versantur, & quum porro in tanta legum diversitate facile evenire potest, ut plures diversæ leges super eodem casu disponant, 2) etiam examinan-

dum

dum est, utra lex in casu collisionis alteri sit præferenda.

§. 32.

Quid in causis civilibus justum, vel injustum sit, aut cognoscitur ex rerum notionibus mediante recta ratione, aut ex voluntate legislatoris cujusdam: inde jura civilia vel *naturalia* sunt, vel *positiva*.

PROP. I. Jus naturale tantum versatur circa determinationes generales, ad speciales vero minime descendit.

PROP. II. Interest cujuslibet civitatis, ut generales justī, vel injustī determinationes magis determinantur per naturam civitatis cujuslibet particularis, sive, quod idem est, Imperans habet facultatem jura naturalia ad statum civitatis particularis applicandi.

COR. I. Jus naturale tantum valet in eo casu, quo determinationes positivæ vel deficient, vel non satis claræ sunt.

2. *Jus subsidarium* est, quod in eum solummodo casum valet, si jus principale vel omnino nihil, vel non satis clare disponat

sponat: ergo Jus naturale in germania est
jus subsidiarium.

3. Jus positivum civile est jus naturale
ad statum germaniæ magis applicatum.

§. 33.

Jus positivum ex voluntate legislatoris cognoscitur, eaque vel expressa, vel tacita; inde jus positivum civile vel *scriptum* est, vel *non scriptum*, utrumque vel *commune*, quod in universo imperio obtinet, vel *particulare* est, quod in certa quadam imperii parte tantum valet; hoc ultimum denique in *provinciale* & *locale* abit.

PROP. Dantur igitur in germania jura civilia *scripta*, *non scripta*, *communia*, *particularia*, *provincialia*, & *localia*.

§. 34.

Jus commune in universo Imperio obtinet (§. 33.) quod vel tale est, ut ab iis sit conditum, qui nos potuerunt obligare, vel ab aliis : inde

de Jus commune vel *domesticum* est vel *peregrinum*. Jus domesticum commune dicitur *Jus germanicum*, quod vel *antiquum* est, vel *medium*, vel *novissimum*.

- a) *Jus germanicum antiquum* complectitur leges usque ad exitum stirpis Carolingicæ latas, quarum antiquissima est *lex Salica, Ripuariorum, Alamanorum, Bajuvariorum, Burgundionum, Frisonum Capitularia Regum Francorum*. ORACUL. JURID. tom. IV. pag. 287. & seq. b) *Jus germanicum medii ævi* complectitur constitutiones ante introductionem Juris Romani latas, quæ privata autoritate fuerunt collectæ in speculo Saxonico, & Suevico. ORACUL. JURID. tom. IV. pag. 295.
- c) *Jus germanicum novum* continet leges post receptionem jurium peregrinorum latas, & comprehenditur recessibus imperii.

PROP. I. Jus germanicum antiquum hodie non amplius habet vim legis. TITUS *Jur. priv. L. I. cap. 3. §. 55.*
 1) quia a moderno reipublicæ statu plane est diversum 2) quia jam post Carolingorum tempora manibus hominum omnino excidit. 3) Collectum denuo in nullo tamen forensi usu

usu fuit. 4) omnia jam novioribus
Sanctionibus melius sunt determinata.

PROP. II. Jus germanicum medii ævi,
eatenus habet valorem, quatenus
ejus observantia ad hunc usque diem
probari potest. Valor enim illius
factus est dubius per hoc, quod sæculo
XII. & postea studiosi ex Academiis
Parisiensi, & Bononiensi reduces, ju-
ra peregrina cum contemptu patria-
rum legum ad facta applicaverint.
STRYCK in usu mod. ff. discurs. prelim.
§. 17.

PROP. III. Jus germanicum novissimum
est indubitati valoris.

§. 35.

Jura peregrina ab illis lata sunt,
qui nos obligandi potestatem nullo
modo habuerunt (§. 34.)

PROP. I. Jura peregrina, qua talia non
obligant.

SCHOLION. Ad jura peregrina refero 1)
Jus Romanum, quod est complexus
legum in republica Romana latarum
quæ in sic dicto corpore juris civi-
lis continentur. 2) *Jus Canonicum*,
qua-

quatenus concernit causas civiles, quoad causas Ecclesiasticas vero jus peregrinum non est, sed domesticum. Addunt alii tertium, nempe *jus longobardicum*; sed meminerint, nos hic loqui de juribus civilibus, non feudalibus.

PROP. II. Ad hoc, ut jura peregrina nos obligent, necesse est, illis ab imperantibus germaniæ vim obligandi esse tributam.

§. 36.

Actus, per quem legi peregrinæ vis obligandi tribuitur, dicitur *receptio*, quæ vel *tacita* est, vel *expressa*, *universalis*, vel *particularis*, *principalis*, vel *subsidiaria*.

PROP. Jura peregrina non valent, nisi quatenus recepta sunt.

COR. Valorem juris peregrini determinaturus ante omnia probare debet, quatenus sit receptum.

§. 37.

§. 37.

Jus Canonicum in germania probabilius ante jus germanicum receptum docet speculum Suevicum §. 5. per verba: do setzten aber die pábst, der kaiser, und die chúnig iren gericht nach denselben gepoten, und also stet auch an diesem puch chainer slacht landrecht, noch lehenrecht, noch chainer slacht urthail, wann als es mit recht von Rómischer pfaffhait, und von kúnig Karsels recht herkömmen ist, und auch als es die pábste, und die kaiser ze irew concilien, und hóven hábent gesetzt, und gepoten aus dem decret, und aus dem decretal aus den zwain púchen nimbt man allem dew recht der man zw gaistlichen/ und zw weltlichen rechten bedarf.

i. Primus juris Romani usus obtinuit in germania Sæculo XII. peregrinationibus studiosorum in Italiam, juris peregrini discendi gratia factis, qui quum in patriam redirent,

C

con-

constitutionum domesticarum ignari, & ad officia publica admoti leges Romanas indistincte ad facta applicabant. Quod postea erectione academiarum in germania magis adhuc invaluit, eo quod Jus canonicum, & præcipue Romanum tribus, imo quatuor diversis cathedris doceretur, & doctores ex utroque hoc jure publice creati fuerint. BANNIZA. *De Principio Lauterbachiano, qui nittitur lege Justinianeæ* &c. §. 8. & 9.

3. Sæculo XIV. & XV. adeo invaluit jus Romanum, ut anno 1441. sub Friderico III. publice deliberandum fuerit, an non jus civile potius cum suis Doctoribus ex imperio sit proscribendum. STRYCK *discurs. prælim. ad Usus Modern. ff.* §. 23.

4. Quum Maximilianus I. fundaret anno 1495. Cameram Imperialem, in assessoribus requisivit, ut essent jurium doctores, ubi per consequens necessario etiam voluit, ut eo jure uterentur, in quo gradum essent promeriti. Porro Assessoribus iurandum

dum est, se juxta jura imperii communia velle pronunciare, quod refertur ex *Ordinatione Wormatiensi de anno 1495.* in corpore *Recessus Imperii* post annum 1538. idem STRYCK l. c. §. 24. pluribus deducit.

5. Quæ jura communia fuerunt confirmata a Carolo V. in Carolina pœnali, uti & a Ferdinando I. idem AUTHOR §. 25. & 26.

6. Ulterius ex constitutionibus supra memoratis patet, jura peregrina in eum casum fuisse recepta, si jura domestica vel omnino nihil, vel non satis clare disponant *Recess. Imperii de anno 1654.* §. benebens sollen 105. es sollen Kammerrichter, und Beysitzer der administration der heilsamen Justiz sowohl die *statuta*, und Gewohnheiten, als die Reichs Abschiede, und gemeine Rechten vor Augen haben.

Ordin. Jud. Ab aul. tit. I. §. und weilten *dicit*: sodann uoderist unser Römisch Kaiserl. Wahl Capitulation, Reichs Abschiede, Religion,
C 2 und

und Profan Sriden, und den jüngsten osnabrugischen Sridenschlus, wie auch jedes Standes, Landes, Ortes und Gerichts, sonderlich die gebührllich allegirte, und probirte Privilegia, gutte Ordnungen, und Gewohnheiten, und im Mangel derselben die kaiserliche Rechten, und rechtmäßige *observationes*, und Gebräuche in acht nehmen.

Ex his infero:

PROP. I. Utrumque jus peregrinum in germania est receptum.

PROP. II. Primo tacite principaliter & universaliter n. 1. 2. & 3.

PROP. III. Sub finem sæculi XV. ejus receptio fuit expressa. n. 4. & 5. sed subsidiaria n. 6.

§. 38.

Ad jura peregrina referuntur jus Romanum, & Canonicum (§. 35. Schol.) utrumque diversas continet partes. In corpore juris civilis continentur 1.) *Institutiones & Pandectæ*
eodem

eodem die Constantinopoli promulgatæ. 2) *Codex repetitæ prælectionis*. 3) *Novellæ*. Jus Canonicum vero continet duas potissimum partes, *Decretum* & *Decretales*. Decretalium quinque sunt compilationes 1.) *Liber V. decretalium Gregorii IX.* 2) *Liber VI. Decretalium*. 3) *Clementinæ*. 4) *Extravagantes Ioannis XXII.* & 5) *denique Extravagantes communes*.

§. 39.

Atque hæc est jurium civilium in germania diversitas: quotidie fit, ut in tanta legum diversitate super calu quodam obvio contradictorio plane modo disponant, ita, ut certa cum dubiis, peregrina cum domesticis, antiqua cum novis, principalia cum subsidiariis juribus collidant; tradendæ igitur sunt regulæ, quæ in tam facili legum confusione servari debent: quas prius in genere defig-

na-

nabimus, eas postea ad singulas collisionum species applicaturi.

PROP. I. Quæ certa sunt, ea magis sequimur, quam incerta: *Jura igitur certa dubiis sunt præferenda.*

PROP. II. Per legem posteriorem lex anterior vel omnino tollitur, vel saltem immutatur: *Jus ergo posterius semper præferri debet juri anteriori.*

PROP. III. Jura peregrina ab illis feruntur, qui nos obligare nequeunt, domestica vero ab iis, qui nos obligare possunt: *Domestica igitur jura cæteris paribus in se spectata semper sunt præferenda juribus peregrinis.*

PROP. IV. Jura subsidiaria tantum in eum casum valent, ubi jura principalia vel nihil, vel non satis clare disponunt: *Jura itaque principalia semper præferri debent juri subsidiario,*

PROP. V. Jus commune est regula, jus particulare est exceptio a regula: *ergo jus particulare præferendum est communi, & porro quo particularius est jus, eo magis est præferendum.*

§. 40.

Dantur in germania jura civilia *naturalia & positiva* (§. 32.) fieri etiam potest, ut tam naturalia, quam positiva jura super eodem casu diverso plane modo disponant, quo casu nota sequentem

PROP. Quamdiu jura positiva clare super obvio quodam casu disponunt, tamdiu standum est dispositione jurium positivorum, est enim jus naturæ in germania subsidarium.

§. 41.

Jura positiva vel *scripta* sunt, vel *non scripta* (§. 33.) fieri ergo potest, ut fiat collisio juris scripti cum non scripto, quo casu ex natura juris scripti, vel non scripti certa regula deduci nequit, sed ad alias circumstantias confugiendum, utra lex communis, vel particularis, an utraque vel communis fit, vel par-

ticu-

ticularis, utra posterior, vel anterior, de quibus infra.

§. 42.

Utraque lex tam scripta, quam non scripta, vel *communis* esse potest, vel *particularis*, *localis*, vel *pruvincialis* (§. 33.)

PROP. Quo particularior est lex quædam collidens, eo magis est præferenda alteri, cum qua collidit (§. 39. Prop. 5.)

§. 43.

Jus commune vel domesticum est, vel peregrinum (§. 34.) & sub juris domestici nomine jus germanicum venit, quod vel antiquum, vel medii ævi, vel novissimum est.

PROP. I. Jura domestica in regula præferenda sunt juri peregrino.

PROP. II. Jus peregrinum valet præ jure antiquo germanico (§. 34. Prop. I.)

PROP.

PROP. III. Jus peregrinum juri germanico mediæ ævi tanquam dubii valoris tamdiu est præferendum, quamdiu ejus observantia in hunc usque diem non fuerit probata.

PROP. IV. Jus germanicum novissimum valet præ jure Romano (§. 34. Prop. 3. & §. 37. Prop. 3.)

§. 44.

Ad jura peregrina referuntur jus Romanum, & Canonicum (§. 35. Schol.) si duorum istorum iurium contraria existat dispositio, fit

PROP. I. Jus Canonicum, quatenus tractat causas Ecclesiasticas, valet præ Jure Romano (§. 35. Schol.)

PROP. II. Jus Canonicum, si in materia quadam specialiter sit receptum, valet præ jure Romano (§. 36. Prop.)

PROP. III. His omnibus paribus, si unum ex utroque hoc jure clare disponat, alterum dubie, standum est jure claro (§. 39. Prop. I.)

PROP. IV. Si utrumque jus æque clare disponat, quodlibet servatur in suo foro.

§. 45.

Quodlibet jurium peregrinorum habet speciales suas partes (§. 38.) quæ sibi non raro contradicunt.

PROP. I. Novellæ derogant omnibus partibus juris Romani (§. 38. §. 39. Prop. 2.)

PROP. II. Codex derogat Pandectis, & Institutionibus.

PROP. III. Si Pandectarum, & Institutionum contraria sit dispositio ex prioritate nihil inferri potest (§. 38.) Sed si Institutiones contineant jus novum ex Pandectis præferuntur: quæ omnia etiam mutatis mutandis ad omnes juris Canonici partes applicari possunt.

§. 46.

In tanta ergo legum varietate, & collisione is judici tenendus erit Ordo, qui sequitur.

1. Jura, Consuetudines, & privilegia localia.
2. Jura provincialia.
3. Jura communia domestica.
4. Jura peregrina.

5.

5. Et denique his omnibus deficientibus ad rationem confugiendam.

III. DE JURE QUATENUS SUMITUR PRO JURISPRUDENTIA.

§. 47.

Jurisprudentia vel tanquam objectum quoddam consideratur, vel quatenus determinato cuidam subiecto inest, *in priori significatu* est scientia legum, & applicationis earundem, *in posteriori* est habitus leges cognoscendi, & ad facta obvia applicandi.

SCHOLION. Scientia legum est *theoria*, earundem applicatio, *Praxis*, qui gaudet habitu leges probe cognitae ad facta applicandi, est *jurisprudens*, qui se distinguit a *Legulejo*, *Empyrico*, *Rabula*, *Formularista*.

§. 48.

Ratio legis est id, ex quo intelligi potest, cur sit lata, quæ vel
suffi-

sufficiens, vel insufficiens est, historica vel naturalis, publica, vel privata.

Occasio legis est concursus circumstantiarum, quæ legislatorem ad legem ferendam impulerunt.

§. 49.

Juris Consultus debet scire leges cognitione quantum apud se est perfectissima. Cognitiono autem legum vel talis est, ut quis rationes legum perspectas habeat, vel non: priori casu cognitionem legum dicimus *philosophicam*, posteriori *historicam*.

COR. 1. Jurisconsultus cognitione legum historica minime contentus esse debet, sed comparet sibi cognitionem legum philosophicam.

2. Jurisconsultus omnes legum rationes perspectas habere debet.

3. Fieri potest, ut plures sint legis aliqujus rationes, igitur quo pluribus quis legem quamdam rationibus firmare noverit, eo major erit ejusdem cognitio philosophica.

4. Inde oritur *cognitio legum mathematica*, seu cognitio quantitatis rationum in aliqua lege.

5. Jurisconsultus sibi comparare debet cognitionem legum mathematicam.

§.

§. 50.

Quum Jurisconsultus leges rite perspectas habere debeat: leges autem quandoque vel dubiæ, vel obscuræ sint, Jurisconsultus etiam gaudeat habitu leges obscuras claras reddendi; actus, per quem sensus legis obscuræ determinatur, dicitur *interpretatio*.

PROP. I. Jurisconsultus debet posse legem interpretari.

PROP. II. Omnis interpretatio supponit legem obscuram.

COR. Lex clara quidem, sed dura nullam patitur interpretationem.

§. 51.

Sensus legis obscuræ vel ab ipso imperante determinatur, vel a jurisconsulto; inde interpretatio vel *authentica* est, vel *doctrinalis*.

PROP. I. Jus interpretandi leges authentica est jus majestaticum.

PROP. II. Interpretatio authentica habet vim legis.

PROP.

PROP. III. Omnibus reliquis interpretationum speciebus est præferenda.

PROP. IV. Etiam fieri potest ab alio, cui imperans leges authentice interpretandi jus suo nomine concessit.

COR. 1. Interpretatio legum authentica vel *mediata* est, vel *immediata*.

2. Mediata eisdem effectus producit, quos immediata.

PROP. V. Regulariter tantum locum habet, si reliquæ interpretationum species deficiant.

§. 52.

Interpretatio authentica fit imperantis voluntate (§. 51.) vel tacita, vel expressa. Unde etiam ejus divisio in *expressam*, & *usualem*.

PROP. Interpretatio usualis fit per consuetudinem.

COR. Quæ supra de consuetudine dicta sunt, etiam de interpretatione usuali repetenda veniunt.

§. 53.

Interpretatio, quæ a privato, qua tali fit, doctrinalis dicitur (§. 51.) in ea autem sensus legis obscuræ determinatur, vel per applicationem verbi cuiusdam obscuri, *grammatica*.

Regulæ interpretationis grammaticæ.

1. Verba tamdiu sumenda sunt in sensu proprio, quamdiu non sequitur absurdum.

2. Si verbum obscurum sit terminus technicus, consulendi sunt artis-periti.

3. Potest etiam declaratio verbi cuiusdam fieri, habita ratione temporis, loci, & aliarum circumstantiarum, quo loco interpretatio fit per conjecturas.

4. Verba debent sumi in eo sensu, qui materiæ, de qua sermo est, sit convenientissimus.

5. Verba dubia ita explicari debent, ut suo effectui non destituantur.

6.

6. Ea, quæ verbum obscurum vel antecedunt, vel consequuntur, probe sunt attendenda.

7. Oratio hominis distincta non raro explicat ejus orationem obscuram v. gr. sic codicillus sæpe declarat testamentum.

8. Attendendum, an sensus legis non possit restitui per mutationem interpunctionum.

9. In jure autem Romano utile est conferre corpora juris glossata, vel codices ejus manu scriptos.

SCHOLION. Ab interpretatione grammatica differt *critica*, quæ loco verbi cujusdam obscuri aliud substituit.

§. 54.

Interpretatio doctrinalis logica fit per applicationem rationis legis (§. 53.) ratio autem legis vel extendi debet, vel restringi ad pauciores casus, quam verba legis enunciant; inde interpretatio logica vel *extensiva* est, vel *restrictiva*.

PROP.

PROP. I. Cessante ratione legis cessat etiam dispositio legis, quæ tamen cessat.

a) Si nulla adsit legis ratio.

b) Si ratio legis plane cesset, non autem in certis casibus, qui raro eveniunt.

PROP. II. Ubi eadem est ratio legis, ibi etiam est eadem legis dispositio.

§. 55.

Qui convenientiam legis cum facto quodam determinat, eandem *ad factum adplicare* dicitur: est autem *factum* actio libera cum omnibus suis circumstantiis considerata.

PROP. I. Adplicatio legum ad facta supponit theoriam, seu scientiam legum.

PROP. II. Scientiam facti, seu legem adplicaturus debet habere distincte cognitam *facti speciem*, quæ est enumeratio circumstantiarum, sub quibus actio quædam libera est posita.

PROP. III. Ad facta illæ tantum leges adplicari possunt, quæ in foro quodam obtinent, non antiquata.

D

PROP.

PROP. IV. Leges eo ordine ad facta applicari debent, qui a summo imperante est determinatus.

PROP. V, Qui leges ad facta applicat, dicitur *Præcticus*.

PROP. VI. Omnis Jurisconsultus theoriæ etiam praxin conjungere debet.

§. 56.

Adplicatio legum vel fit secundum verba legum expressa, *directa* vel secundum consequentiam, ex legibus deductam, *indirecta*, adplicationis indirectæ species sunt.

1. Adplicatio facta per *argumentum legis*, quod est consequentia ex lege quadam singulari deducta.

2. Per *collationem legum*, quæ est consequentia ex comparatione plurium legum deducta.

3. Per *analogiam*, quæ est consequentia ex principio quodam juris generali deducta.

§. 57.


Adplicatio legum ulterius vel
fit in judicio, *judicialis*, vel extra
id, *extrajudicialis*.

Judicialiter leges adplicantur.

1. Advocando. 2. referendo. 3.
judicando.

Extrajudicialiter leges adplicantur.

1. Docendo. 2. cavendo. 3. acta
legendo, & extrahendo. 4. respondendo
de jure.



LIBER I.
DE JURE,
QUOD EX STATU ORITUR,
SEU
DE JURE
PERSONARUM.
SECTIO I.
CAPUT I.

§. I.

Qualitas illa, intuitu cujus homini certa jura, & certæ obligationes competunt, *status hominis* dicitur.

PROP. I. Unus homo potest plures habere status.

PROP. II. Plures homines possunt unum tantummodo statum habere.

PROP. III. Quatenus quis statu gaudet, eatenus jurium, & obligationum est capax.

PROP. IV. Pro diversitate jurium, quæ cum aliqua qualitate sunt connexa, etiam status est diversus.

§.

§. 2.

Status homini competit, quatenus illi certa qualitas inest, cum qua jura, & obligationes connectuntur. (§.1.) hæc autem qualitas homini, vel inest a natura, vel prævio quodam facto: inde status hominis vel *naturalis* est, vel *adventitius*; in statu adventitio homo vel consideratur in societate, vel extra eam: status ergo adventitius vel *socialis*, vel *non socialis* est. Status vero hominum socialis eos in societate considerat, quæ vel *simplex*, vel *composita* est, prout membra eam constituentia vel individua humana, qua personæ singulares, vel qua personæ morales, seu integræ societates spectantur. Porro societates simplices vel constant ex duabus tantum personis, vel ex pluribus, quæ ultimæ *Collegia* dicuntur.

SCHOLION. De statu hominum rite acturus species statuum supra memoratorum

rum omnes evolvere debet, sit ergo fermo

I. De statu hominum mere naturali.

II. De statu hominum adventitio non sociali.

III. De societatibus simplicibus, quæ duabus tantum personis constant.

IV. De Collegiis.

V. De Universitatibus, seu personis moralibus.

§. 3.

Homo certo statu gaudens dicitur *persona*, quatenus sumitur in sensu juridico.

PROP. I. Non omnis homo est persona.

PROP. II. Unus homo potest plures sustinere personas.

PROP. III. Plures homines possunt sustinere unam tantummodo personam.

PROP. IV. Persona vel physica est, vel moralis, prout homo personam constituens actu unum individuum est, vel plura individua, quæ tamen propter idenditatem voluntatum habentur

tur pro uno. Ubi regula: *quoties voluntas & vires plurium tendunt ad idem, toties quoad hoc idem habentur pro una persona.*

§. 4.

Jus, quod determinato cujdam subjecto competit, vel ei competit intuitu status, in quo existit, *jus personarum*, vel intuitu rei cujusdam, *jus rerum*. Jus rerum mihi competit vel intuitu facti cujusdam obligatorii, seu non sine respectu quodam ad personam, *Jus personale*, *jus ad rem*, vel sine eo, *jus reale*, *jus in re*.

PROP. Jus Personarum differt a jure personali.

SCHOLION. Qui distinctionem juris in jus rerum, & personarum inter subtilitates Juris Romani referunt, non satis curate distinguunt inter juris, vel obligationis subjectum, & objectum. Etenim subjectum, cui jus quoddam competit non nisi persona esse potest, bene vero illud, circa quod

quod tale jus versatur, vel res est,
vel persona.

§. 5.

Quum status sit qualitas intuitu
eius homini certa jura, & certæ
obligationes competunt (§. 1.) po-
sita hac qualitate etiam ponitur sta-
tus, eaque acquisita & status acqui-
ritur.

§. 6.

Quoniam autem nihil tam na-
turale est, quam unum quodque ea
ratione dissolvi, qua est colligatum,
& status acquiritur per qualitatem,
cum qua certa jura, & certæ obli-
gationes connectuntur (§. 5.) patet,
amissa hac qualitate pariter amitti
statum.

§.

§. 7.

Si jus quoddam mihi competit, necesse est, ut etiam remedium quoddam mihi competat, vi cujus jus illud contra refractarios persequi possum in judicio; remedium jus illud contra refractarios persequendi in judicio dicitur *actio*, & si ex statu oritur, *præjudicialis* audit.

Prop. Ex jure personarum oriuntur actiones præjudiciales.

SCHOLION. Significatus actionis præjudicialis hoc loco strictior est, quum in sensu latiori *actio præjudicialis* sit, ex cujus decisione alia actio dependet.

CAPUT II.

DE

STATU HOMINUM
NATURALI.

§. 8.

Ratione status naturalis i. Ratione sexus homines vel *Mares* sunt, vel *Fæminæ*, quibus tertia quædam species accedit, *Hermaphroditus*, qui de utroque sexu participat.

Prop. I. Nec masculis, nec fæminis præ aliis certa jura competunt, nisi quatenus a legibus specialiter tribuuntur.

Prop. II. Ratio, & fundamentum prærogativarum fæminis præ maribus, & vicissim competentium consistit in imbecillitate, vel præstantia sexus.

COR. Quoties agitur de imbecillitate, sexus toties fæminæ sunt melioris conditionis, quam mares: igitur

- a) Illis jus ignorare permittitur, sua petant *L. 8. ff. de Jur. & fact. ign.*
- b) Ex fidejussionibus suis non obligantur.
- c) In quibusdam locis sunt sub perpetua curatela, quod tamen in Bavaria locum non habet.

nativum tantummodo fuit
etiam succedit in omnia sua nativ

universa. Solentur pro quibus
propter deum etiam in regibus

non minus. *filii* natus
etiam in regibus etiam in regibus

etiam in regibus

2. Masculi regulariter sunt melioris conditionis, quam fœminæ, ubi igitur de præstantia sexus.

Prop. III. Sub compellatione sexus masculini plerumque etiam continentur fœminæ, non vero vicissim. L. 195. pr. de V. S.

Prop. IV. Hermaphroditus in dubio habetur pro fœmina.

Prop. V. Annumeratur sexui prævalenti.

Prop. VI. Si vero sexus uterque sit æqualiter perfectus, jurato sexum quemdam eligere debet. LAUTERBACH Coll. ff. L. I. tit. V. §. 24.

§. 9.

Ratione nativitatis homines sunt vel *Nati*, vel *Nascituri*, seu *Embryones*, prout ab utero materno vel jam sunt separati, vel in eo adhuc latent.

Prop. I. Qui in utero est, perinde, ac si in rebus humanis esset, custoditur, quoties de commodis ipsius partus quæritur L. 7. ff. De statu hominum.

Prop.

Prop. II. Neque etiam per consequentiam lædi debet.

COR. I. Contra matrem durante uteri gestione nil fuscipi potest, quod partui posset esse nocivum, non enim calamitas matris nocere debet ei, qui est in utero.

a) Prægnans torqueri nequit, nequidem post partum, nisi elapsis 40. diebus.

b) Gaudet beneficio dilationis. MÜLLER *De jure prænantium* cap. 4. §. 13.

2. Nascituris omnia jura in eventum natiuitatis facta manent, ac tecta, seu suspenduntur.

Prop. III. Aliis autem directe non possunt nascituri, nisi soli matri.

Prop. IV. A nascituris distinguendi *nondum concepti*, qui jure nasciturorum non gaudent.

§. 10.

Nascituri autem vel *vivi* prodeunt in lucem, vel *mortui*.

Prop. I. Mortui habentur pro non natis.

COR. Jura, quæ nascituris fuerunt facta, a momento, quo mortui in lucem prodeunt, resolvuntur,

Prop.

Prop. II. Ut partus jus sibi servatum transmittat ad hæredes, sufficit eum unico momento vixisse. *L. 3. 6. De Postb. Hæred.*

Prop. III. Vita ex quocunque signo vitali colligitur *L. 3. C. de Postb. Hæred.*

Prop. IV. In dubio pro vita prolis præsumitur, si proles sit nata debito tempore, debito modo, & sana matre.

§. II.

Qui vivi prodeunt, vel in forma humana prodeunt, vel non; ubi membra principalia, si ita sint comparata, ut hominis non sint, *monstra* dicuntur, si vero quædam tantum membra ampliata, vel diminuta existunt, *ostenta*, seu *portenta* vocantur.

Prop. I. Monstra hominibus accenseri non debent, sed habentur pro non natis. *L. 14. ff. de statu hom.*

COR. I. Monstra jurium capacia non sunt.
2. Jura, quæ ipsis tanquam nascituris ad tempus nativitatis facta, ac testata fuerunt, a momento nativitatis resolvuntur.

Prop.

PROP. II. Si natura partes in homine ampliavit, vel diminuit, monstrum non est, sed ostentum, quod jurium capax est. L. 14. ff. de stat. hom.

SCHOLION. Monstra tamen propria auctoritate sine homicidii pœna occidi nequeunt, quod specialiter exprimit
CODEX BAV. P. I. Cap. 3. §. 2. n. 3.

§. 12.

3. Ratione ætatis homines vel *majorennnes* sunt, vel *minorennnes*, prout annum 25. ætatis jam attigerunt, vel non. DE JURE BAV. terminus majorennitatis est 21. annus.

PROP. I. De jure naturali certi ætatis anni, & gradus determinati non sunt, sed *majorennnes* vocantur illi, qui eo intellectus, ac rationis usu sunt præditi, ut rebus suis, & sibi ipsis satis bene præesse possint.

Co. 1. Majores tam de se, quam rebus suis pro lubitu disponere possunt.

2. Minores, quia facilius ad agendum induci possunt, *minus plene sui juris* dicuntur.

PROP. II. Ex notione civitatis magistratui incumbit onus curandi, ut bona
sub-

subditorum rite administrantur: ergo etiam tales constituendi personas, quæ res, & bona illorum administrant, qui illis recte præesse nequeunt.

COR. Minores rebus suis ipsi præesse nequeunt, nisi sint facti majorennæ, vel veniam ætatis impetraverint.

§. 13.

Minores, si masculi sunt vel annum ætatis 14. jam attigerunt, si vero fæminæ 12, vel non: minores ergo vel *puberes* sunt, vel *impuberes*. Plene puberes sunt masculi completo anno ætatis 18, fæminæ anno ætatis suæ 14.

PROP. Neque puberes, neque impuberes plene sui juris sunt; impuberes enim sub tutela, puberes sub curatela existunt.

§. 15.

Impuberum genera duo sunt, aut enim tales sunt, ut in illis nullus omnino rationis usus præsumi possit, *infan-*

infantes, aut ut ille usus sit imperfectus, & hi vel *infantiæ* sunt *proximi*, vel *pubertati*, prout vel magis ad annos pubertatis, vel *infantiæ* accedunt: *infantes* autem sunt, qui annum ætatis 7. nondum compleverunt.

PROP. I. *Infantes nulla ratione moraliter agere valent.*

COR. Non possunt contrahere, delinquere, neque etiam pænis sunt obnoxii.

PROP. II. *Infantiæ, atque pubertati proximi moraliter quidem, at non summo moralitatis gradu agere possunt.*

COR. Si delinquunt, pænis tantum extraordinariis sunt obnoxii.

§. 15.

Nexus plurium personarum ex copula carnali concipiendus dicitur *cognatio*, *cognatio* autem oritur vel ex sola copula carnali, *affinitas*, vel mediante ea ex generatione, *consanguinitas*.

Prop.

PROP. Homines igitur vel consanguinei sunt, vel affines.

SCHOLION. Non nego, tam statum consanguinitatis, quam illum affinitatis in specie ad status adventitios posse referri. Omnis enim affinitas primum supponit coitum, vel matrimonium. Sed quum homines, quamprimum in lucem veniunt, ad alias personas, ut consanguinei sint considerandi nullo alio facto intercedente, materiam affinitatis propter summam connexionem a consanguinitate separare non non placuit.

§. 16.

Consanguinitas est nexus personarum ex generatione concipiendus (§. 15.)

PROP. Omnis consanguinitas supponit factum generationis.

§. 17.

Consanguinei dicuntur *recti*, si per generationem a se invicem de-

E pen-

pendent, *collaterales* vero, si ab eodem tertio per generationem dependent, non vero simul a se invicem. Conlanquinei recti vel sunt *adscendentes*, si generatus referatur ad generantem, vel *descendentes*, si generans referatur ad generatum.

§. 18.

Alimentorum nomine continentur cibaria, vestitus, habitatio, ac omnia, quæ ad curationem, & disciplinam pertinent, quæ vel *naturalia* sunt, si solum ad necessitatem, vel *civilia*, si conditioni, & dignitati alentis convenienter præstantur; *alere* autem idem est, ac alimenta præbere.

PROP. I. Alimenta denegare idem est, ac necare. L. 4. ff. De agn. & al. liber.

PROP. II. Per quem factum est, ut quis existat, is etiam obligatus est, ut illi de alimentis prospiciat, si in eo statu sit, ut se ipsum alere nequeat.

COR.



COR. Adscendentes perfecte obligantur, ut liberis de alimentis non naturalibus tantum, sed & civilibus prospiciant, si descendentes se ipsos alere nequeant.

• **PROP. III.** Vicissim descendentes ex vinculo reverentiali obligantur, ut eos, a quibus ortum trahunt, alant, si illi se ipsos alere nequeant.

PROP. IV. Obligatio ad alendum est subsidiaria, sive in eum casum, si quis se ipsum alere nequeat.

PROP. V. Collaterales nullo jure positivo perfecte obligantur, ut eos, qui sibi collaterales sunt, alant.

PROP. VI. De jure communi inter adscendentes primo pater, tum avus paternus, postea mater, & in ejusdem subsidium avus maternus obligantur ad alimentationem. *Novell. 117. C. 7.* De jure Bav. primo pater, tum mater, postea avus paternus, & denique maternus tenentur ad alimentationem.

§. 19.

Descendentes dicuntur *liberi*.

PROP. 1. Nomine liberorum continentur
omnes descendentes, cujusunque
E 2 gradus

gradus, vel sexus, nisi specialis exceptio doceri possit L. 220. pr. ff. De V. S.

PROP. II. Nomine adscendentium continentur omnes adscendentes cujuscunque gradus, vel sexus.

§. 20.

Liberi vel sunt nati ex legitimo matrimonio, *legitimi*, vel non, *illegitimi*.

PROP. I. Omnis liberorum legitimitas supponit matrimonium, & quidem verum.

SCHOLION. In favorem tamen prolis jus Canonicum Cap. 14. X. qui fil. sint legit. etiam eos pro legitimis agnoscit, qui ex matrimonio putativo nati sunt, modo unus parentum fuerit in bona fide.

PROP. II. Liberi pro legitimis habentur vel *ratione termini a quo*, qui de jure antiquo præcise debuerat esse initium septimi mensis, ita, ut antea nati habeantur pro legitimatis. Jure vero novo legitimi sunt, etsi primo post

post contractum matrimonium momento nati fuerint. *L. II. C. De nat. lib. vel ratione termini ad quem*, qui est dies primus, vel secundus mensis undecimi *Novell 39. C. 2. DE JURE BAV. P. I. C. 3. §. 2. n, 9. Terminus a quo est 182. Dies, & terminus ad quem 302.*

COR. I. In foro civili legitimi sunt etiam ex concubitu anticipato nati.

2. Ex eo, quod liberi sint legitimi nondum inferitur, parentes esse immunes a pœna anticipati concubitus.

PROP. III. Liberi debito tempore ex matrimonio nati habent præsumptionem juris violentam pro se, quod sint legitimi.

COR. Illis elogium matris etiam juratum, vel in mortis articulo factum non nocet, nisi per evidentiam facti contrarii ostendatur, eos esse illegitimos.

PROP. IV. Liberis legitimis alimenta debentur tam naturalia, quam civilia.

§. 21.

Illegitimi sunt, qui ex matrimonio progeniti non sunt, qui vel nati sunt ex concubitu maris cum fœmina alias honeste vivente, *naturales*

rales, vel ex fœmina omnibus passim se prostituente, *vulgo quæsit*i, vel ex coitu a legibus specialiter interdicto, *nati ex damnato coitu*, qui vel *incestuosi*, vel *nefarii*, vel *sacrilegi*, vel denique *adulterini* sunt.

Prop. I. Liberis omnibus illegitimis indistincte de jure hodierno, & canonico debentur alimenta naturalia C. 5. X. *de eo, qui dux. quam poll.* &c. De jure civili Nov. 89. tantum naturalibus, non vero natis ex damnato coitu.

Prop. II. Vulgo quæsit, quia de eorum patre non constat, a matre solum alimenta naturalia exigere possunt.

Prop. III. Expositi in dubio habentur pro legitimis. LEYSER *specim.* 613. *de expos. infant.*

§. 22.

Qualitas illa, cujus intuitu quis est alterius cognatus, dicitur *status cognationis*. Jura, quæ ex isto statu oriuntur, respectu cognatorum considerari possunt, vel respectu tertii.

Prop.

PROP. I. Magis sumus obligati ad perfectionem cognatorum promovendam, quam alterius.

PROP. II. Quo magis quis alteri est cognatus, eo magis etiam obligatur ad illius perfectionem promovendam.

PROP. III. Cognati in causis cognatorum cum aliis sunt suspectæ fidei.

§. 23.

Quo magis quis alteri est cognatus, eo magis etiam alteri est obligatus, ut ejus perfectionem promoveat (§. 22. Prop. 2.) in omni ergo cognatione gradus, seu quantitas concipi possunt: possibile igitur erit, ut determinemus, quoto gradu quis alteri sit cognatus, quem actum *computationem* dicimus. Computatio alia est *canonica*, alia *civilis*.

SCHOLION. Computatio juris Canonici obtinet in materia de matrimonio, computatio vero juris civilis in materia de successione.

§.

§. 24.

Stipes communis dicitur, in quo personæ cognatæ proxime conveniunt, *gradus* est distantia unius personæ ab altera, *linea*, est series graduum, vel personarum. quæ vel *recta* est, vel *obliqua*. seu *collateralis*: *recta* vel *descendens*, vel *adscendens*, *collateralis* vero vel *æqualis*, vel *inæqualis* est.

PROR. I. In linea recta tam de jure Canonico, quam civili quot sunt gradus, tot sunt persone.

PROP. II. In linea collaterali obtinet regula, si sit æqualis: quoto gradu consanguinei ex una parte distant a communi stipite, eodem distant inter se.

PROP. IV. In linea vero inæquali est regula: quoto gradu persona remotior distat a communi stipite, eodem distant inter se.

§. 25.

Affinitas est nexus personarum ex copula carnali concipiendus.

Prop.

Prop. I. Omnis affinitas oritur mediante copula carnali, eaque vel licita, vel illicita.

Prop. II. Mediante coitu cujuslibet coeuntium consanguinei fiunt affines unius conjugum.

COR. I. Per coitum coeuntes non fiunt affines.

2. Coeuntium cognati inter se non sunt affines.

Prop. III. Coitus non mutat cognationem, quæ fuit ante coitum.

COR. I. Unius coeuntium consanguineus rectus vel adscendens vel descendens fit alterius conjugis affinis rectus, vel adscendens, vel descendens.

2. Unius coeuntium consanguineus collateralis fit alterius affinis collateralis.

3. *Quoto gradu quis est consanguineus uni conjugum, eo gradu etiam est affinis alteri conjugum.*

n) Ergo gradus affinitatis determinatur ex consanguinitate.

§. 26.

Ratione mentis, & corporis alia porro est hominum divisio, sunt enim tales, qui ob impedimentum quoddam

dam corporis usu intellectus, vel rationis sunt destituti, vel non: priori sensu *dementes*, posteriori autem *sancæ mentis* dicuntur.

Prop. Nemo hominum demens est præsumendus, sed ut talis probari debet.

§. 27.

Dementes vel ita sunt comparati, ut cum rabie, & tumultu agant vel non, priores *furiosi*, posteriores *mente capti in specie* dicuntur. Furiosi vero vel continuo, & absque ulla intermissione insaniunt, vel sua etiam lucida intervalla habent.

Prop. Si status dementiæ sit talis, ut impediat omnino usum intellectus, & rationis, dementes sive furiosi, sive tales non sint, nullum actum, qui voluntatis declarationem involvit, ponere possunt.

Cor. Ergo neque contrahunt, neque testamenta faciunt, neque etiam delinquant, sed sub curatela existunt.

Prop.

Prop. II. Si vero status dementiæ talis sit, ut demens non nunquam sua lucida intervalla habeat, eo tempore quo usu intellectus, & rationis gaudet, actus juridicos cujuscunque generis ponere potest.

Prop. III. Dementem, vel furiosum, qui talis esse ubique noscitur, sua lucida intervalla eo tempore habuisse, quo negotium obligatorium posuit, præsumi non potest.

§. 28.

Dantur etiam *corpore vitiiati*, qui illi dicuntur, quorum corpus tale non est, quale natura esse deberet. Huc pertinent vitiiati, qui defectu sensuum laborant v.g. *muti*, *cæci*, *surdi*, & ii, quorum corpus quoad membra genitalia est vitiosum, *castrati*, *frigidi*.

Prop. I. Corpore vitiiati eos tantum actus ponere nequeunt, ad quos specialis, & essentialis membri illius, quo carent, usus requiritur.

COR. I. Sic mutus nuncupative testari nequit, bene vero in scriptis.

2. Cæci in scriptis testari nequeunt; bene vero oretenus, sed adhibitis pluribus solennitatibus.

3. Castrati, & frigidi nequeunt inire matrimonium.

4. Qui natura surdus est, is quoque natura mutus est, consequenter etiam facultate sensa animi declarandi non gaudet; bene ergo ab omnibus actibus, qui voluntatis declarationem requirunt, excluditur.

SCHOLION. Furiosis comparantur *prodigi*, seu illi, qui tanquam insani bonorum suorum dillapidatores autoritate judiciali sunt declarati. Prodigii ergo de se quidem sanæ mentis sunt, consequenter moraliter agunt, multis tamen passibus furiosis æquiparantur. Et denique, ut quis prodigus quoad effectus juridicos habeatur, requiritur, eum sententia judicis pro tali esse declaratum.



SEC.

SECTIO II.

DE STATU HOMINUM
ADVENTITIO NON SOCIALI.

CAPUT I.

DE HOMINIBUS INTEGRÆ FAMÆ.
ET DE IIS,
QUI TALES NON SUNT.

§. 29.

Status hominum moralis ejusdem perfectiones, & imperfectiones complectitur. Communis hominum fermo de statu alicujus morali, *Fama* dicitur, quæ vel *bona* est, vel *mala*, prout judicium hominum versatur vel circa perfectiones, vel imperfectiones alicujus hominis. *Macula moralis* fama mala est, quæ per imperfectiones sive veras, sive putativas fuit contracta, quæ vel ex actionibus malis propriis imputabilibus oritur, *infamia*, vel ex actio-

actionibus aliorum malis, nobis haud imputabilibus, quoad effectus tamen in nos redundantibus, aut ex propriis de se haud malis, vulgo tamen pro inhonestis habitis, *levis notæ macula*. L. B. AB ICKSTATT in *dissertatione inaugurali de Irrationabilitate consuet. LL. &c. §. 7.*

Prop. I. Qui macula morali ex propriis actionibus imputabilibus contracta laborat, *infamis* dicitur.

Prop. II. Natura nemo infamis est, nisi qui factum infamans posuerit.

Prop. III. Infamia, & levis notæ macula inter se differunt.

§. 30.

Facta infamantia sunt vel talia in quæ lex civilis specialem infamiam statuit, *infamia juris*, vel non, *infamia facti*.

Prop. I. Infamia juris supponit a) factum infamans b) expressam legis determinationem, quæ infamiam in tale factum decernit.

Prop. II. Infamia juris vel *immediata* est, vel *mediata*, prout vel statim adest posito facto infamante, vel prævia primum sententia judicis.

Prop. III. Ubi nullum factum proprium infamans, ibi etiam nulla infamia concipi potest.

COR. Dolus semper infamat, non item culpa, nisi ubi id, leges specialiter volunt.
L. 6. ff. de his, qui not. inf. LAUTERBACH
Coll. Pand. L. 111. tit. II. §. 8.

SCHOLION I. Facta, quæ immediate infamiam inferunt de jure Romano sunt
 1) prodire in scenam lucri, & quæstus causa. 2) quæstus meretricius.
 3) Nuptiæ secundæ a femina intra annum luctus contractæ. 4) binæ nuptiæ & sponsalia eodem tempore. 5) adulterium. 6) lenocinium. 7) violatio transactionis juratæ. 8) nuptiæ a tutore, vel curatore ante rationes redditas cum pupilla contractæ.

Mediate infamant de Jure Romano omnia crimina publica, & alia, de quibus vide LAUTERBACH *Coll. Pand. L. II. Tit. II. a §. 12. usque ad §. 22.*

SCHOLION. II. De jure hodierno, seu Germanico non amplius infamant ipso jure 1) Nuptiæ a femina intra annum lu-

luctus contractæ. 2) Lusus comici, nisi sint mimorum, funambulorum. 3) Prædium conductum a milite. 4) Nuptiæ tutori, cum pupilla ante rationes redditæ contractæ. STRYCK. *Uf. Modern. ff. L. III. Tit. II. §. 7. 8. 9. 10.*

Prop. IV. Infamia inhæret personæ.

COR. Ultra personam, quæ factum infamans posuit, extendi non debet.

Prop. V. Quotiescunque factum turpe notorium non est, vel excusationem admittit, toties nemo fit infamis, nisi condemnatus.

§. 31.

Omnis infamia est certorum iurium privativa.

COR. 1. Infames excluduntur a dignitatibus acquirendis, ab acquisitis arcentur.

2. Non admittuntur ad collegia opificum.

3. Generalis præsumptio bonitatis quoad eos locum non habet.

4. Eorum testimonium est suspectæ fidei, de Jure autem Canonico C. 54. X. de testib. a testimonio plane arcentur.

5. Contentus eorum non est injuria.

6. Si hæredes instituuntur, a fratribus per querelam inofficiosi repelluntur.

§.

§. 32.

Posito facto infamante non notorio etiam infamia ponenda est, quæ infamia juris immediata dicitur.

COR. 1. Posito facto infamante non notorio nondum ponitur infamia juris immediata.

2. Omnis ergo infamia acquiritur facto infamante.

§. 33.

Infamia semel illata regulariter perpetuo durat, nisi a lege ad certum tantum tempus sit statuta: inde infamia vel *perpetua* est, vel *temporaria*. ECKOLT *Pand. L. III. Tit. II. §. 12.* Et quum porro infamia præsertim juris ex lege factum quoddam infamia notante descendat; manifestum est, infamiam juris aliter cessare non posse, nisi auctoritate ejus, qui eam intulit.

§. 34.

Restitutio famæ est actus, per quem declaratur, eum, qui infamia a legibus est notatus, in posterum pro tali non esse habendum.

Prop. I. Solus imperans famam restituit.

COR. 1. Infamiam jure Imperii illatam solum Imperator tollit.

2. Infamiam jure statutorio illatam tollit is, qui ejus juris est conditor.

Prop. II. Infamia perpetua non aliter definit, nisi famæ restitutione.

Prop. III. Restitutio famæ vel *legalis* est, si imperans modum, quo infamia tollatur, cum facto quodam connectit, vel *principalis*, quæ ultima vel expressa, vel tacita est.

SCHOLION. Dividitur porro restitutio famæ in *mediatam*, & *immediatam*, *universalem*, & *particularem*.

Prop. IV. Is, cui fama restituta est, iisdem gaudet juribus, ac homo integre existimationis.

§. 35.

Levis notæ macula est macula moralis, quæ oritur ex actionibus aliorum malis, nobis haud imputabilibus, quoad effectus tamen in nos redundantibus, vel ex propriis de se haud malis, ex communi tamen hominum opinione pro talibus habitis (§. 29.)

Prop. I. *Levis notæ macula* differt ab infamia juris, & facti.

Prop. II. Jure naturali nemo *levis notæ macula* notatur. Illud tamen non impedit, quo minus jure civili ab imperantibus *levis notæ macula* pro certis casibus statuatur.

COR. Omnis ergo *levis notæ macula* ab imperantibus est determinanda, vel jure scripto, vel non scripto, quæ tamen ultra determinationem legis extendi non debet.

§. 36.

Levis notæ macula, quum fit famæ diminutio, iis etiam juribus privat, quæ cum fama integra connectuntur.

Prop. I. Levis notæ macula notati ad dignitates adspirare nequeunt.

Prop. II. Si fratribus præferantur, illi testamentum tanquam inofficiosum impugnant.

Prop. III. Ad collegia opificum non admittuntur.

Scholion. Datur tamen quandoque levis notæ macula, quæ non omnes istos effectus producit, unde dividitur in *totalem*, & *partialem* PETR. L. B. DE ICKSTATT. *Diff. supra citata* §. 30.

Prop. IV. Levis notæ macula ordinaria præter hos effectus nunc primum memoratos non facile alios producit, nisi in lege specialiter determinentur.

§. 37.

Levis notæ macula aut oritur ex facto alieno inhonesto, aut ex facto

facto proprio, non inhonesto, vulgo tamen pro tali habito: unde levis notæ macula vel *imputativa* est, vel *propria*.

Prop. I. Levis notæ macula *imputativa* extraordinaria notantur filii perduellium L. 5. §. 1. C. ad leg. Jul. Maj.

Prop. II. Levis notæ macula *imputativa* notantur liberi illegitimi, quæ regulariter perpetua, & totalis est.

COR. Ergo non cessat, nisi per famæ restitutionem, quæ in specie dicitur *legitimationis*.

§. 38.

Levis notæ macula oritur ex facto proprio non inhonesto, communi tamen hominum opinione pro tali habito (§. 37.) *Horridum vitæ genus* est, cujus functiones naturalem aliis horrorem incutiunt: *Sordidum* vero vitæ genus vocatur, in quo fit quæstus ex opera cum foribus, ac materiis fætidis.

Prop.

Prop. I. Ii, qui sordidum, vel horridum vitæ genus tractant, ex se nulla macula notantur.

Prop. II. Illi, qui sordidum, vel horridum vitæ genus tractant, non aliter pro macula notatis haberi possunt, nisi, quatenus hoc a legibus factum.

Prop. III. In sordido, vel horrido vitæ genere fundatur tota ratio, cur quis sit macula notatus.

COR. I. Cessante horrido, vel sordido vitæ genere cessat etiam macula,

2. Hæc macula non nisi temporaria, & ordinaria, ac personalis est.

3. Ad liberos extendi nequit.

4. omisso hoc vitæ genere sunt homines integræ existimationis, & eorum juribus gaudent.

CAPUT II. DE PERSONIS LIBERIS, ET SERVIENTIBUS.

§. 39.

Quum natura omnes homines
sint æquales, nullum sufficiens fun-
da-

damentum agnoscimus, cur quis ad utilitatem alterius cujusdam operis suis promovendam perfecte fit obligatus. Statum illum, quo quis ad utilitatem alterius operis suis promovendam perfecte obligatur, *servitutum* dicimus, & is, qui hoc modo obligatus est, *servus* audit.

Prop. I. Natura nemo servit.

Prop. II. Omnis servitus supponit factum quoddam prævium, quo est constituta.

Prop. III. Jura, quæ Domino in servos competunt, sunt adquisita, non con-nata.

Prop. IV. Ratio, cur quis servus sit, vel se fundat in jure belli, vel in delicto, vel in pacto adscendentium, vel immediate in lege.

§. 40.

Natura nemo servit (§. 39. prop. 1.) ergo vel fuit in voluntate servi an illa ratione se obligare velit, vel

vel non. Inde concipimus *servos statu liberos, & servos statu tales*. Uterius servus vel ea ratione se obligat pro certa mercede, vel sine certa quadam mercede: dantur igitur tam servi *mercenarii*, quam *obnoxii*, uti & *perpetui*, *actemporarii*. Denique servus vel volens, vel invitatus obligatur ad utilitatem alterius omnibus suis operis promovendam, vel tantum aliquibus, unde servi etiam vel *perfecti* sunt, vel *imperfecti*.

Prop. I. Servi mercenarii non sunt statu servi, neque etiam servi perfecti.

Prop. II. Mercenariæ servitutis fundamentum est pactum.

Prop. III. Servi mercenarii ad eas tantum operas obligantur, ad quas, & quatenus pacto se obligarunt.

COR. Unde vel perpetui, vel temporarii esse possunt.

Prop. IV. Si quis se pro se, & suis descendens pacto obligaverit ad operas præstandas, descendentes erunt servi statu tales.

Prop.

Prop. V. Qui in servitute perfecta vivunt, omnia, quæ acquirunt, acquirunt Domino.

COR. 1. Non habent jus testamenti factionis, neque etiam contrahere possunt.
2. Jure perfecto alimenta a Dominis exigunt.

§. 41.

Jure Romano servi sunt res, non personæ *L. 2. §. 2. ff. ad leg. aquil.*

Prop. i. Quæcunque domino licent in res, etiam de jure Romano domino licent in servos.

Prop. II. Servi de jure Romano nullo gaudent statu.

COR. Jurium & obligationum sunt incapaces.

Prop. III. Servitus Romanorum est servitus perfecta.

§. 42.

Jam ante introductionem Juris Romani servitutis jugum Germanis genti

genti cæteroquin liberrimæ fuisse cognitum ostendunt JULIUS CÆSAR *Cap. 13. de Bell. Gall.* & TACITUS *de Morib. Germ. Cap. 5.* eorum tamen conditionem in aliquibus meliorem fuisse, & adhuc esse ostendit BOEHMER *in dissert. de statu hominum priorum* &c. tum etiam jura, & obligationes, quæ servis competunt, & infra explicanda veniunt.

Prop. I. Magna inter servos Germaniæ, & Romanorum est differentia; unde ea, quæ in jure Romano continentur, non semper tuto ad servos Germaniæ applicari possunt.

Prop. II. Servi Germanorum gaudent libertate, quamdiu ejus limitatio ostendi nequit.

Prop. III. Quæ de servis Germaniæ dici possunt pro locorum, & provinciarum diversitate etiam sunt diversa.

COR. Ex eo, quod quis servus in certa quadam provincia ad hoc, illudve præstandum sit obligatus, nondum tuto inferitur, illud etiam ad alios servos in alia quadam provincia sitos esse extendendum.

SCHO-

SCHOLION. Ex citata supra *clarissimi* BŒHMERI Dissertatione porro manifestum est, servos in Germania statu tales, perpetuos quidem, & obnoxios esse, non tamen perfectos.

§. 43.

Homo proprius dicitur, qui in dominio alterius est ratione suæ personæ, & bonorum, si qua possidet, & eidem ad certas præstationes obligatur.

Prop. I. Homines proprii sunt servi Germanorum.

SCHOLION. Pro diversitate temporum, locorum, & personarum, quibus serviebant etiam diversa sortiti fuerunt nomina v. gr. *Cassati, Gassindi, Glebarii, Regii, seu Fiscalini, Ecclesiastici, Privatorum, Albini, Aldii, Censuales, Cossati, Curmediales, Hubbarii, Lassi, Lidi, &c.*

Prop. II. Qualitas hominis proprii est qualitas acquisita.

§. 44.

Qualitas hominis proprii est qualitas acquisita. (§. 43. Prop. 2.) omnis autem acquisitio supponit factum quoddam, seu modum, per quem acquiritur: ergo etiam qualitatem hominis proprii acquirendi varii dantur modi; de constitutione primæva, & origine hominum priorum, uti & progressu vide BOEHMER *l. citat.* igitur vel nascuntur, vel fiunt.

PROP. I. Partus sequitur ventrem. | *L. 24. C. de liberal. Causs. JUS BAV. P. I. Cap. 8. §. 5. n. 3. § 4. ORAC JURID. Tom. 5. p. 166. ENGAU Jus germ. L. I. tit. 3. §. 29. Schol.*

PROP. II. Si mater serva sit, etiam partus servit.

PROP. III. Si mater tempore uteri gesti unico tantum momento libera sit, partus etiam est liber.

SCHOLION. Nota, hæc omnia, quæ hactenus de hominibus propriis dicta sunt, atque adhuc dicentur, eatenus tan-

tantum locum habere, quatenus specialis quædam observantia in contrarium non existat.

§. 45.

Servus quis fit, si adquirat prædium, cui onus servitutis cohæret; cujus servitutis localis fundamentum est in pacto quodam tacito.

PROP. Si homo liber nubat fæminæ servæ, quæ prædium quoddam serviens possidet, is cum liberis fit servus, ex ratione quod liber nequeat possidere prædium servile.

SCHOLION. *JUS BAV. P. I. C. VIII. §. 8.* prædio cuidam servienti nullatenus eam vim tribuit, ut ejus possessor inde fiat servus, licet antea illud a servis fuerit possessum, sed inde format qualitatem quamdam realem, quæ a 30. annis retro probari debet. Admissa etiam hac qualitate possessorem non aliter pro servo agnoscit, nisi quatenus ejus notitiam habuerit, quam nullo modo præsumit, quæ porro qualitas solum possessorem afficit, nec
ad

ad uxorem vel liberos, multo minus
ad locatores extenditur.

§. 46.

In cujuslibet potestate est, an
libertatem suam ulterius retinere
velit, nec ne.

PROP. Servitus, seu qualitas hominis pro-
prij etiam constituitur pacto tum ta-
cito, quam expresse, titulo oneroso,
vel gratuito, ita tamen, ut ille, qui
pacto se ad servitutem adstringit,
major sit 20. annis. §. 4. *J. de Jure*
Perf.

SCHOLION. *JUS BAV. P. I. Cap. VIII. §. 4.*
huic servitutem constituendi modo
nullatenus contradicit, requirit tamen,
ut paciscens sub potestate alterius
non sit, nec etiam tutelæ, vel cura-
telæ sublit. Eodem jure si pater
pacto se in servitutem det, liberis
jam natis pactum illud nullo modo
præjudicium infert.

§.

§. 47.

Si quis 10. annis inter præsentēs, & 20. inter absentes operas serviles alicui præstiterit, contra eum est præsumtio juris, quod sit homo proprius, quæ tamen adhuc probationem in contrarium admittit. Si vero 30. annis pro se, suisque operas serviles præstiterit, ejus libertas ita amittitur, ut nulla probatio in contrarium sit admittenda.

SCHOLION. I. *JUS BAV. P. I. Cap. 8. §. 6.* præscriptioni ordinariæ cum titulo locum dat, sine titulo autem 30. annos requirit.

II. Quatenus servitus adquiratur per nuptias, vide *ORAC. JURID. tom. V. p. 168.*

§. 48.

Homines proprii ratione suæ personæ existunt in dominio. Unde
etiam

etiam nomen illorum originem trahere videtur *Leibeigene*.

COR. I. Statum suum invito Domino mutare nequeunt.

2. Fugitivi a Dominis vindicari possunt, quocunque affugerint, dummodo non in eum locum, qui vi privilegii cujusdam a servitute eximit; cessat etiam revocatio, si homo proprius propter sceleratam vitam Domini affugerit. Revocatio tamen ita fieri debet, ne cedat in præjudicium tertii **EXCELL. L. B. DE KREITMAIER** in notis ad *Cod. Max. Civ. P. L. Cap. 8. §. 15.*

3. Regulariter, quæ sibi adquirunt, etiam Dominis adquirunt.

4. Domino competit jus servum suum immorigerum coercendi.

5. Eundem quocunque titulo eum, vel sine prædio alienandi.

6. Si homo proprius omnia acquirit suo Domino, is obligatur, ut illi alimenta præstet.

§. 49.

Homo proprius, quæ talis obligatur domino ad certas præstationes; præstationes autem illæ pro locorum, & provinciarum diversitate, vel plures, vel pauciores sunt: re-

gu-

gulariter tamen in omnibus fere locis ut plurimum obligantur 1.) ad operas. 2.) ad Centum. 3. ad Maritadium. 4. ad Mortuarium solvendum.

§. 50.

Servitia in labore corporis consistunt dicuntur *operæ*, quæ vel *reales* sunt, si intuitu prædii præstentur, vel *personales*, si intuitu status, aut personæ, vel *determinatæ*, vel *indeterminatæ*, *solitæ*, vel *insolitæ*; dantur etiam operæ, quæ manibus, vel jumentis præstantur.

Prop. I. Operæ hominum propriorum personales sunt, licet, si homo proprius prædium quoddam servile possideat, etiam reales adsint.

COR. 1. Operæ hominum propriorum per alium præstari nequeunt.

2. Mutato prædio non cessant.

3. Quot sunt homines proprii, tot etiam operas debent.

Prop. II. Operæ hominum propriorum regulariter, & in dubio præsumuntur

G

tur

tur indeterminatæ. CL. D. SUTOR
Elect. jur. § for. bod. conclus. 63.

COR. I. Dominus operas, quas vult, quando, & quomodocunque libuerit, exigere potest: meminerit tamen dominus se in exactione operarum cum homine agere.

2. Qui operas determinatas esse ait, illud probare debet.

3. Determinationi operarum probatæ strictissime est inhærendum.

a) Operæ determinatæ nec in alias etiam similes sine utriusque voluntate mutari possunt.

b) De loco in locum, de tempore in tempus extendi nequeunt.

c) Ab homine proprio in eadem quantitate, & qualitate semper præstari debent.

4. Operas vel lex, vel consuetudo, vel pactum determinat.

5. Operæ indeterminatæ quoad tempus, etiam si longissimo tempore non sint exactæ, tamen præscribi nequeunt.

PROP. III. Ad operas insolitas homo proprius obligari nequit, quæ vero operæ vel solitæ sint, vel insolitæ, cujusvis provinciæ leges, & mores determinant. JUS BAV. hominem proprium ad easdem operas, si determinatæ non sint, obligat, ad quas reliqui subditi tenentur.

Prop.

PROP. IV. Homo proprius regulariter tantum ad manuaras operas obligatur, quia reales ab iis tantum præstantur, qui præsidia possident, jumenta & currus habent.

SCHOLION. In certis quibusdam provinciis obtinet *der Dienstzwang*, vi cuius pueri, & puellæ hominum priorum tenentur operas suas domesticas prius offerre domino suo, antequam aliena subeant servitia.

§. 51.

Obligantur etiam homines proprii ad *Censum* domino suo exsolvendum; habent enim homines proprii nostri proprium quoddam patrimonium, quatenus jura, quædam singularia ipsis non obstant. *Census* autem hoc loco est certa præstatio, ab homine proprio, qua tali, certis temporibus domino præstanda.

PROP. I. *Census* præstatur ab homine proprio, qua tali.

COR. *Census*, quem præstant homines proprii, differt ab eo, qui præstatur servi-
tu

tu bonorum, quæ quis possidet, & *malis* dicitur.

PROP. II. Census præstari potest vel in pecunia, *Gülde*, vel frumento, *Kornpachte*, vel pecoribus, *Haupt*, und *Leibbühnern*.

PROP. III. In questione *an*, & *quomodo* determinationi ex pacto, vel consuetudine probe est inhzrendum. *Cl. D. Sutor. l. cit. conclus. 62.*

SCHOLION. In aliquibus locis adhuc obtinent Census promobiles *Rutscher Zinsen*, quæ in casum moræ tamdiu duplicantur, donec præstatio fiat.

PROP. IV. Census hominis proprii pertinet ad ejus personalia.

COR. Inde Dominus ratione ejus nec hypothecæ, nec prælationis jure gaudet.

SCHOLION. *JUS BAV. P. I. Cap. 8. §. 13.* circa censum hominum priorum in specie nihil determinat, sed omnia ad observantiam cujusvis loci, uti & ad tenorem pacti remittit.

§. 52.

Jure Romano servorum nullum erat connubium, sed in contubernio esse

esse dicebatur. Jure hodierno servi, & homines proprii matrimonium verum inire quidem possunt *c. i. X. de conj. serv.* consensum tamen domini prius requirere obligantur, quod si omisum fuerit, matrimonium quidem validum manet, sed illicitum. Unde in quibusdam locis obtinet, ut homines proprii pro consensu matrimoniali impetrato certum quid præstent, quod *Maritagium* dicunt.

SCHOLION. Volunt quidam Maritagium originem ducere *ex antiquo jure primarum noctium.*

§. 53.

De Jure Romano, quum servi nihil proprii haberent, necessario illis etiam facultas in eventum mortis disponendi fuit adempta, quod hodie cessat, quum plerumque homines proprii suo gaudeant patrimonio, ita tamen, ut jus succedendi domino in certa hominis proprii bona

na maneat integrum, quod *Mortuarium* dicitur, germanice *Todfall*, *Tode Hand*.

Prop. I. Per mortuarium facultas testandi in hominibus propriis, quoad portionem illam, quæ domino debetur, aliquatenus est restricta.

Prop. II. Non ubique eodem modo succedit dominus: in quibusdam locis tertiam, aut dimidiam partem capit; in aliis rem singularem, vel istius generis optimam v. g. optimum animal, vestem; in aliis iterum locis obtinet jus Electionis, *Eubrecht*, in Bavaria 5. pro 100. ab omnibus bonis summuntur.

Prop. III. Mortuarium non debetur nisi morte hominis proprii.

§. 54.

Denique homines proprii, seu Germanorum servi in omnibus illis gaudent libertate. ratione quorum illa in legibus adempta non legitur. gaudent ergo.

I.

- 1) Statu, & sunt Personæ.
- 2) Proprio suo patrimonio.
- 3) Testamenta faciunt.
- 4) Contrahunt.
- 5) Habent jus connubiorum **STRYCK**
Uf. Mod. ff. L. 1. tit. 3. §. 7. &c.
- 6) In eos jus vitæ, & necis, nisi per
modum competentis jurisdictionis
altæ nequit exerceri.

PROP. Homines proprii, seu servi Germanorum a servis Romanis quoad jura eorum præcipua quam maxime differunt.

§. 55.

Si homo proprius certo quodam tempore in possessione libertatis bona fide fuerit, per hoc definit esse homo proprius.

SCHOLION 1. Tempus præscriptionis de jure communi vix determinare aulam, sed variant ea in re quam maxime jura provincialia: aliqui putant, si homo proprius sciente nec reclamante domino libertatem nactus fuerit, ei malam fidem non obesse, & eo modo 40. annis libertatem adqui-

quiri; fin vero homo proprius bona fide 10, & respective 20. annis se pro libero gesserit, hoc quoque sufficere credunt ORAC. JURID. Tom. V. p. 204.

SCHOLION II. JUS BAV. P. I. C. 8. §. 17. præscriptionem hoc casu quidem admittit, sed non nisi lapsu 30 annorum, ubi ulterius supponit scientiam, & patientiam domini, & ex parte hominis proprii bonam fidem.

§. 56.

Declaratio voluntatis a domino facta, quod servum statu talem in sua potestate dominica habere nolit, dicitur *manumissio*.

PROP. I. Manumissio est renunciatio juris domino in servum, seu hominem proprium competentis.

PROP. II. Tot modis fieri potest, quot modis voluntas declaratur.

COR. Manumissio fit vel *tacite*, vel *expresse*, *conditionate*, vel *pure*, *plene*, vel *minus plene*, *titulo oneroso*, vel *gratuito*, *per actum inter vivos*, & *mortis causa*.

SCHO-

SCHOLION. I. In quibusdam Germaniæ locis obtinent *affrancamenta*, die *Erlassbriefe*.

SCHOLION. II. Uti & certa præstatio pro manumissione facienda.

PROP. III. Manumissio ita fieri debet, ne sit in præjudicium illius, qui manumittitur, vel alius cujusdam.

COR. In fraudem creditorum fieri non potest, quod est fundamentum L. *Ælia Sentie*.

PROP. IV. Manumissio præsumi nequit, sed probari debet.

PROP. V. Ad manumissionem tacitam refertur 1) si homo proprius se in locum conferat, qui ad id specialiter est privilegiatus, ut libertatem det. 2) in specie de Jure Bav. acquisitio officii, vi cujus juris sigillandi quis capax est, cessat etiam 3.) potestas domino in hominem proprium competens, si ea abutatur.

PROP. VI. Manumissione juste facta manumissi sunt statu liberi.

§. 57.

Ex jure personarum, seu jure status oriuntur etiam certæ actiones quæ *in specie præjudiciales* dicuntur, & vel *affirmativæ* sunt, vel *negativæ*, nec non tam in petitorio, quam possessorio locum habent. Ex statu igitur libertatis oritur *actio præjudicialis de libertate*, quæ vel domino adversus servum, vel servo adversus dominum datur; dicitur etiam alias *judicium liberale, liberalis causa*.

PROP. I. Hæc actio præjudicialis vel affirmativa vel negativa est.

PROP. II. Quilibet tamdiu præsumitur liber, donec servus probetur.

COR. I. In actione præjudiciali de libertate ille probare debet, qui alterum servum esse affirmat.

2. Quilibet in possessione, vel quasi libertatis est defendendus.

PROP. III. Actio de liberali causa vel *directa* est, ubi nempe de ipso statu servitutis, aut libertatis agitur, vel
utilis

utilis, ubi de statu servituti affini agitur, v. g. hominibus propriis.

COR. Hodie actio de liberali causa non nisi utilis est.

SCHOLION. Sunt etiam alie actiones, quæ occasione libertatis, vel status hominis proprii oriuntur, non tamen ex ipso libertatis, vel servitutis statu v. g. actio rei vindicatoria, actio servi corrupti utilis, & alie.

CAPUT III. DE RUSTICIS.

§. 58.

Dum de *rusticis* loquor, intelligo homines ruri degentes, qui ex agrorum cultura quæstum faciunt.

PROP. Tria sunt essentialia rustici, 1) ut ruri degat. 2) Ut arva, & agros colat. 3) Ut inde quæstum faciat.

S.

§. 59.

Olim rusticos omnes servilis fuisse conditionis loquuntur auctores citati apud CEL. BOEHMERUM *de imperfecta rusticorum libertate in Germania*. Ergo

1. Nihil juris, aut potestatis sibi potuerant attribuere in prædia, & agros sibi concessos.
2. Operis indeterminatis fuerant subiecti.

Occasiones, per quas conditio rusticorum servilis in melius fuit mutata, non ubique fuere eadem, nec eosdem ubique effectus produxere. Ad has pertinent 1. Conatus principum potentiam Nobilium, quæ potissimum in servis consistebat, imminuendi, quod commode fieri potuit servos ad libertatem promovendo. LUDEWIG *de jure Client. Sect. III. C. 2. §. 2.*

Inde 1. Aditus rusticis conquerentibus apud principes patuit.

- 2 Eorum auxilio freti liberius contra dominos potuerunt insurgere.

3. Ubi Nobilium potentia major, aut principum aditus difficilior, ibi etiam illibata mansit dominorum potestas: habemus hic primum in æqualitatis fundamentum.
4. Hoc videtur esse prima, & generalis occasio, qua mediante rustici ad libertatem pervenire potuerunt.

Altera occasio ad libertatem perveniendi rusticis obtigit tempore Cruciatarum seculo XI. quibus incredibilis rusticorum copia nomen dedit. MAIMBOURG dans *L'histoire des Croisades*. Per sacras has expeditiones Germaniæ Nobilitas ita fuit attrita, ac omnes provinciæ cultoribus suis ita fuerunt orbatæ, ut pœne non (verbis historiæ utar) invenirent, quem apprehenderent mulieres septem virum unum; quotquot dein rustici fuerunt superstites absentibus, vel omnino extirpatis Nobilibus, liberrimam a servitute sese eximendi potestatem habuerunt, quæ occasio etiam non ubivis locorum eadem fuit

Ter-

Tertia occasio fuit introductio jurium peregrinorum, & erectio Academicarum in Germania, quod hodie adhucdum videmus; in illis enim locis, & provinciis, in quibus nullæ, aut paucissimæ extant Universitates, rusticorum etiam conditio durior est v. g. Westphalia, Hollsatia, Pomerania, Lusatia &c.

Quarta occasio derivatur ex indulgentia, & negligentia dominorum: non enim omnes domini æque indulgebant servis suis, aut rebus suis prospicere negligebant. Ex his jam sequitur.

PROP. I. Omnes rustici olim homines proprii fuerunt.

COR. I. Rustici tamdiu tenentur ad eadem præstationes, ad quas homines proprii, quamdiu libertatem non probaverint.

2. Rustici in dubio obligantur ad operas indeterminatas, dissentit **ILL. DE SELCHOW** in *Elem. jur. germ.* §. 341. not. 7.

3. Quoad eos cellat præsumptio libertatis de jure communi.

Prop.

PROP. II. Ex inæqualitate liberationis etiam inæqualitas, & diversitas rusticorum in germania concipitur.

§. 60.

Non omnes homines proprii ex eadem ratione, & eodem modo se liberarunt a potestate dominorum (§. 59.) & hæc inæqualitas liberationis est fundamentum inæqualitatis inter rusticos (§. 59. Prop. 2.) quare quum aliqui occasionem a dominorum potestate se liberandi omnino non arripuerint, alii vero ea usi sint, manifestum est, dari in Germania servos, qui naturam hominis proprii in hunc usque diem retinent, & de quibus supra dictum est. Reliqui vero qui plane liberi sunt, vel immediate Imperio subsunt, *des H. N. N. Freybauern*, quales dantur in Franconia, & Suevia, vel subsunt quidem dominis territorialibus, sine ullo tamen præstationum vinculo, aut

aut eo saltem valde exiguo, Freysassen, Freybauern, ad quos etiam referri certo modo possunt Landjägerdel, Zins-Pachtleuthe.

PROP. I. Rustici Imperii liberi subsunt quidem soli Imperio non obstat tamen, quo minus sese unacum suis prædiis in cujuscunque fidem, ac protectionem pro lubitu conferre possint.

PROP. II. Vivunt in libertate perfecta.

COR. Ab omnibus oneribus tam realibus, quam personalibus sunt liberi, nisi quatenus sponte ad collectas Imperii conferunt *ORACUL. JURID. Tom. V. p. 216.*
FRITSCH de Jure pagorum Cap. 6. §. 2.

PROP. III. Rustici liberi mediati in omnibus gaudent juribus liberorum, neque præter onera territorialia quidquam præstant: de his uberius agit *ILL. DE SELCHOW Elem. Jur. germ. §. 368. & seq.*

§. 61.

Tertia illorum species est, qui se a dominorum potestate tantum minus plene liberarunt, quod vel
 ita

ita factum est, ut ratione suæ personæ quidem liberi sint, ratione vero prædiorum, quæ possident, servilis conditionis, vel ita, ut a pleisque oneribus servilibus immunes sint, illi seu rustici primi generis vocantur *rustici in specie*.

§. 62.

Rusticus est homo ratione suæ personæ liber, sed ratione prædiorum, quæ possidet, servilis conditionis,

PROP. I. Rustici sunt quidem servi, sed statu liberi.

PROP. II. Ratione personæ non serviunt sed ratione prædii.

COR. I. Quicumque possidet prædium quoddam rusticum servile, obligatur ad easdem præstationes, ac rusticus.

2. Præstationes rusticorum omnes sunt reales, seu prædio inhærent.

3. Diviso ergo prædio pariter dividuntur, aucto augentur, diminuto diminuantur.

SCHOLION. Habemus hic fundamentum, cur divisio prædiorum rusticorum sit prohibita.

H

4.

4. Etiam per alium præstari possunt.
5. Relicto prædio etiam cessat obligatio ad istas præstationes.

PROP. III. Diversitas præstationum in rusticis, quatenus in hoc significato sumuntur, dependet a varietate prædiorum.

§. 63.

Pro diversitate prædiorum, quæ rustici possident, in diversas abeunt species: Sunt enim vel *Emphiteutæ*, *Censitæ*, *Erbrechten*, *Leibrechten*, *Freystiften*, ganze, halbe, drittel, viertel Bauern, Sedlbauern, und Söldner, Bausöldner, Leerhäuser, de quibus omnibus, quatenus Baviariam concernunt vide CLINGENSPERG *Jus Hoffmarchiale*.

SCHOLION. Quænam jura rusticis tam diversarum specierum competant, infra dicam, ubi de prædiis rusticorum fusius tractandi occasio se offeret, de operis rusticorum etiam suo loco latius dicetur: quomodo rustici differant a colonis, agricolis, censitis
ad-

*adscriptitiis Romanorum vide FRITSCH
de jur. pag. Cap. 5.*

§. 64.

Coronidis loco addam quædam
de rusticorum privilegiis, quorum
pertinent

1, Rusticis permiffum est ignorare jus
& quidem ob præfumptam eorum fim-
plicitatem, quæ tamen ignorantia non
excusat.

a) Si fit juris naturalis.

b) Si jus fit ita constitutum, & vo-
luntas legislatoris ita declarata, ut
omnes etiam simplices per eam ob-
ligatos esse velit.

c) Si actui certa solennitas est præ-
scripta.

d) Si prope urbem habitant.

2. In rebus agriculturæ destinatis non
permittitur fieri executio.

3. Illis in testamentis certæ solennita-
tes remittuntur.

4. Tempore messis in iudicio stare non
obligantur, atque alia multa, quæ
omnia se fundant in favore rei agra-

ria, & rusticorum præsumta simplicitate; de privilegiis eorum vide FRITSCH *de jur. pag. cap. 24.* ORAC. JURID. *Tom. V. p. 324.*

CAPUT IV. DE NOBILIBUS. MEMBRUM I.

DE NOBILITATE IN GENERE.

§. 65.

Tanta omnium hominum, imo & gentium integrarum in relatione ad se invicem æqualitas est, ut nulli præ altero certa quædam prærogativa competat. Factum tamen ut civitatibus constitutis, & civili imperio introducto prima quasi hominum inæqualitas oriretur, vi cujus alii imperantes sunt, alii subditi: æquum hic fuerat, ut qui reipublicæ curam

curam gerant, reliquis etiam dignitate, & aliis prærogativis præstent. Quum porro ab uno non omnia ita curate administrari potuerint, ne quod res publica inde detrimentum caperet, opus fuit, ut particula quædam potestatis illius supremæ etiam aliis committeretur, ut illam nomine imperantis exercerent. Illi igitur, qui officiis præfunt, quæ circa administrandam, tuendamque rempublicam versantur in sensu juris publici universalis *Nobiles* dici possunt.

PROP. Prudentia & aptitudo certa rei publicæ officia administrandi fundamentum nobilitatis primum est.

COR. In isto significato nobilitas nullo modo ad liberos transit, sed mere personalis est.

§. 66.

Olim Germani antiqui secundum prudentum conjecturas in Principes, & Magistratus. 2. in Ingenuos, & 3. in Rusticos fuere divisi. **Primi**

mi generis homines nobilitatem superiorem, secundi vero generis inferiorem constituebant. STRUBEN *de Orig. & Progressu Nobil. Germ.* C. 2. §. 2. ILL. DE SELCHOW *Elem. Jur. germ.* §. 234. & *seq.* qui originem Nobilitatis Germanicæ eleganter demonstrat.

PROP. Ingenui ergo antiquitus cum Nobilibus ejusdem erant conditionis.

SCHOLION. Quomodo ulterius Nobilitas Germanica magis creverit, imo eam quam hodie habet, formam nacta sit, vide eundem STRUBEN *L. C.*

§. 67.

Hodie *Nobilitas* est complexus certarum prærogativarum, & honorum ex singulari principis gratia determinato cuidam subjecto concessarum.

S.

§. 68.

Nobilitatis varii dantur gradus, alia *inferior* est, alia *superior*. Ad hanc referuntur *Principes*, *Comites*, *Barones*: ad illam *S. R. I. Equites*, *Patricii*, ac omnes, qui nobilitate tantum personali gaudent.

§. 69.

Nobilitas superior vel *immediata* est, quæ immediate Imperio subest, vel *mediata*, quæ subest dominis territorialibus, dicitur etiam *Landsfassatus*.

§. 70.

Nobilitas vel alicui ita competit ut jam ejus majores sanguine & natalibus excelluerint, *avita*, vel ut eam noviter adquisiverit, *diplomatica*, *nova*. Nobilitas *avita* vel talis est, ut quis nobilitatem majorum suorum tam maternæ, quam paternæ
lineæ

lineæ certo numero, & statutis Ecclesiarum, vel ordinum Equestrium conformi possit probare, ein Stift, Turnier mässiger Adel, vel non.

§. 71.

Nobilitas *Personalis* est, quæ exspirat cum persona illius, cui est concessa, *gentilitia* est, quæ integræ cuidam familiæ conceditur.

§. 72.

Nobilitas conceditur ex singulari Imperantis gratia (§. 67.) Imperans ergo est fons omnis nobilitatis.

COR. 1. Pro universo Imperio nobilitatem confert Imperator.

2. Pro singulari vero quavis provincia quilibet dominus territorialis.

SCHOLION. Loquor hic tantum de originaria nobilitatis collatione, & omnibus nobilitatis speciebus communi: de modis acquirendi nobilitatem per officium quoddam, per nativitatem &c. infra dicam.

3. Adquiritur etiam nobilitas voluntate Imperantis tacita, seu mediante præscriptione.
4. Minime vero nobilitatem tribuit Castri nobilis possessio, quoad personalia, sed tantum quoad realia.
5. Omnis nobilitas in dubio præsumitur, acquisita titulo oneroso.

§. 73.

Nobilitas est qualitas hominis adventitia, quæ sine prævio quodam acquisitionis facto homini non inest, ideoque præsumi nequit, sed probari debet: probatur autem nobilitas

1. Diplomate concessionis apud Nobiles recentiores.
2. Notorietate probatur nobilitas avita, si actus tales allegentur, ad quos non nisi nobiles admittuntur v. g. si quis probet majores suos membra Ecclesiarum cathedralium, ordinum Equestrium fuisse.
3. Qui vero nobilitatem majorum suorum eo fine probat, ut ad Ecclesias Cathedrales, vel ordines Equestres ad-

admittatur, in eo curatior nobilitatis probatio requiritur.

§. 74.

Nobilitas est complexus certarum prærogativarum (§. 67.) ad has quatenus omnibus Nobilium speciebus communes sunt, refero, quod

1. In dubio pro Nobilibus major fit præsumptio virtutis, quam pro plebeis; unde

a) In testimonium vocati non jurato, sed sub fide nobili in propriis ædibus deponunt.

2. Ad officia publica regulariter præ plebeis vocentur, imo a quibusdam plebejos omnino excludant.

3. Habeant privilegium fori, & in Bavaria immediate quidem subsunt dicasteriis Principis.

4. Si delinquant, mitius puniantur, nec ad torturam sint trahendi.

5. A plebeis se distinguant titulis, vestitu, insignibus.

6.

6. A præstationibus publicis, & hospitalionibus militum sint immunes.

7. Gaudeant jure proædriæ præ plebejis.

SCHOLIION. Quum conservatio nobilitatis præcipue pertineat ad nobilitatem gentilitiam, de ea tum agam, ubi instituti ordo id exiget.

§. 75.

Quum nobilitas inter ea referatur, quæ homini natura non insunt, manifestum est, fieri etiam posse, ut quis ea qualitate excidat, quod contingit

1. Morte tam naturali, quam civili, consequenter etiam per professionem religiosam.
2. Delicto infamante, ubi tamen requiritur in sententia condemnatoria degradationis expressam mentionem fieri.
3. Sunt, qui mercatura nobilitatem etiam hodie adhuc amitti existiment, sed minus recte, ob rationes ab ILL. SELCHOWIO in *Elem. Jur. germ.* §. 247. allegatas.

4. Minime vero nobilitas vel confertur, vel amittitur jure hodierno per adoptionem.

SCHOLION. Omnes fere hi modi nunc primum recensiti nobilitatem determinati cujusdam subjecti, quod vel deliquit, vel alias nobilitate privatur, extinguunt. Et vix, ac ne vix quidem horum omnium casus quidam dari potest, qui etiam posteros nobilitate privet. De modis nobilitatem amittendi specialibus suo quovis loco dicatur.

MEMBRUM II.

DE APANAGIATIS.

§. 76.

Sicuti nobilitas in omnibus præ plebejis certis gaudet prærogativis, ita etiam quasi necessarium est, ut familiæ Illustres in primo suo splendore conserventur, imo etiam in
dies

dies magis crescant. Quum autem sæpissime fieret, ut familiæ illustres numerosa prole abundarent, & secundum jurium communium dispositionem cuilibet liberorum æqualis portio ex bonis parentum esset assignanda, factum est, ut Nobilitatis Germanicæ fautores de mediis cogitarent, quibus bonorum paternorum divisiones evitarentur. Voluerunt igitur, ut non omnes, quibus ab intestato succedendi jus esset, ad succedendum admitterentur, sed successio privativa vel penes unum, vel tantum penes certam lineam, usque ad ejus extinctionem existeret.

§. 77.

Jus lineæ primogenitæ competens in bona avita cum exclusionem reliquarum linearum succedendi, dicitur *Jus primogenitura*.

PROP.

Prop. I. Finis primogenituræ est, ne nimis divisionibus bona avita diminuantur, & per consequens splendor familiarum quid patiatur.

COR. Introductio juris primogenituræ est remedium aptissimum familias illustres conservandi.

Prop. II. Introducto jure primogenituræ in primogenitum transeunt omnia familiæ bona.

COR. Primogenitus repræsentat totam familiam.

§. 78.

Quum introducto jure primogenituræ ulterius geniti a successione in bona paterna excludantur, quam tamen capere jure potuissent, neque etiam familiis satis esset prospectum, si uno opibus affluente reliqui ejusdem gentis quasi ad incitatas redigerentur; manifestum est primogenito incumbere, ut secundo genitis ita de alimentis prospiciat, ut statui suo convenienter vivere possint.

§. 79.

Portio bonorum primogenituræ cæteris liberis masculis, quibus succedendi spes adhuc est, ad tuendam interim dignitatem a primogenito præstanda dicitur *apanagium*.

PROP. I. Apanagium omne supponit introductionem juris primogenituræ.

COR. I. Quoties omnia familiæ bona penes natu maximum solum sunt, toties portio secundo genitis relinquenda est verum apanagium.

2. Quoties bona familiæ sunt dividua, toties apanagio locus non est.

3. Per apanagium consulitur familiarum splendori.

PROP. II. Apanagium dat primogenitus.

PROP. III. Apanagium datur omnibus secundo genitis, & is cui apanagium debetur, dicitur *apanagiatus*.

PROP. IV. Apanagium non adimit secundo genitis jus successionis eventualis.

PROP. V. Apanagium magis convenit alimentis, quam legitimæ.

PROP.

PROP. VI. Apanagium vel *legale* est, vel *conventionale*.

SCHOLION. I. In quonam apanagium consistat, in thesi adeo stricte defini-ri nequit, plerumque tamen in annu-
is redditibus consistit. Jure Germa-
nico vix est possibile, ut determinata
apanagii quantitas inveniatur.

SCHOLION. II. Auctis redditibus ex bonis
avitis augendum etiam esse apana-
gium ita evinco: apanagium certo
modo habet rationem alimentorum ci-
vilium, (§. præf. Prop. 5.) alimenta autem
civilia determinari debent pro ratione
patrimonii illius, qui obligatur ad alean-
dum, & præterea pro conditione
alendi; (§. 48.) siigitur patrimonium
primogeniti crescit, etiam crescere
apanagium debet. Pluribus vide ILL. ac
CEL. PÜTTERUM in *dissertatione de augendo
apanagio auctis redditibus*.

§. 80.

Per apanagium apanagiatis
jus eventualis successionis non adi-
mitur (§. 79. Prop. 4.)

PROP.

Prop. Primogenitus bona primogenituræ in præjudicium secundo genitorum non potest alienare.

COR. Extincta linea primogenita apanagiatus lineæ secundo genitæ primogenitus desinit esse apanagiatus.

§. 81.

Per constitutionem apanagii, & juris primogenituræ introductionem ea tantum jura in primogenitum conferuntur, quæ terris avitis inhærent.

Prop. Jura personalia apanagiatibus etiam quæ talibus salva manent.

COR. 1. Apanagiati gaudent eodem nomine, insignibus, telleris, ac primogenitus.

2. Si familia, in quâ jus primogenituræ, & apanagium est introductum, gaudeat jure territoriali, apanagiati subsunt jurisdictioni primogeniti.

SCHOLION. Ab apanagiatibus differunt *Paragiati*, qui æquali jure cum fratribus majoribus succedunt, licet primo, vel etiam secundo genitus aliquid habeat præcipuum: Differentia in eo est

1. Paragium accipitur pro legitima .
apanagium pro alimentis.
2. Paragiati succedunt tanquam hæ-
redes, sed inæqualiter, apanagiati
ad tempus ab hæreditate excludun-
tur, & sola alimenta ad dies vitæ
exigunt.

§. 82.

Quum apanagium tantum con-
stituatur secundo genitis eo fine, ut
interim se pro eorum conditione
alere possint, sequitur apanagium
cessare 1. extincta linea primogeni-
ta. 2. morte apanagiati. 3. renun-
tiatione.

Prop. Apanagium morte secundo ge-
niti, vel ejus renuntiatione cessans
redit ad primo genitum.

MEM-

MEMBRUM III.
DE NOBILITATE GENTILITIA
AVITA.

§. 83.

Prærogativæ illæ, quæ alicui tanquam nobili ex jure primævæ concessionis competunt, & ad omnes posteros extendi debent, *Nobilitatem Gentilitiam* constituunt.

Prop. I. Nobilitas gentilitia a descendantibus non acquiritur jure hæreditario, sed jure proprio, & vi primævæ concessionis.

SCHOLIUM. Nota tamen, nobilitatem tantum extendi ad legitimos, minime vero ad illegitimos, utpote qui nec nomine, neque etiam insignibus patris gaudent.

Prop. II. Dantur jura, quæ Nobiles Gentilitii habent communia cum omnibus Nobilibus, & quæ (§. 74.) fuerunt recensita. Dantur etiam jura specifica, quorum fundamentum est nobilitas omnium descendantium: quæ ergo ex dato fundamento deduci possunt,
1 2 sunt

sunt jura Nobilitatis Gentilitiæ in genere, specialissima autem sunt, quæ ex diversis Nobilitatis Gentilitiæ speciebus oriuntur.

PROP. III. Nobilitas gentilitia præter modos nobilitatem amittendi supra §. 75. memoratos perit interitu totius familiæ.

§. 84.

Ad prærogativas Nobilitatis Gentilitiæ pertinet jus portandi insignia cum apertis galeis.

PROP. I. Insignia sunt ad dignoscendas familias apta.

COR. 1. Qui eadem insignia portant, sunt ejusdem agnationis.

2. Qui tesseras alienæ gentis sibi sumit, falsi a quolibet istius gentis conveniri potest.

3. Insignia pereunt cum ultimo Gentis.

4. Non transeunt ad cognatos.

PROP. II. Jus insignia concedendi est jus majestaticum.

COR. 1. Quilibet proprio motu sibi insignia cum apertis galeis tribuere non potest.

a)

1) Quod tamen possunt ex speciali privilegio Doctores.

2. Jus disponendi de coloribus insignium pertinet ad principem.

Prop. III. Vexillorum, annulorum signatorum, pontium, villarum, & omnium rerum, quibus insignia sunt impressa, is videtur esse dominus, cujus insignia sunt impressa.

Cor. Insignia Ecclesiis addita inferunt jus patronatus.

Prop. IV. Non tamen insignia semper sunt signa nobilitatis.

Cor. Inde a nobilitate ad insignia, non vero ab insignibus ad nobilitatem valet argumentatio.

§. 85.

Nobilitas Gentilitia vel noviter primum acquiritur, *Nobilitas Gentilitia Nova, Diplomatica*, vel a majoribus nostris cum sanguine ad nos propagatur, *Nobilitas Gentilitia Avita*, quæ si statutis Ecclesiarum Cathedralium vel ordinum Equestrium sit conformis, dicitur ein *Stift Tursniers mässiger Adel*.

Prop.

Prop. I. Omnis nobilitas avita non nisi mediante generatione determinato cuidam subjecto competit.

Prop. II. Non omnis nobilitas avita est etiam ein Stift und Turnier mässi-
ger Adel.

Cor. Ex hoc, quod quis sit nobilis avi-
tus, non statim sequitur, eum esse ita
nobilem, ut ad capitula, & Ecclesias
cathedrales indistincte admittatur.

Prop. III. Qui ad ordines Equestres, aut
Ecclesias Cathedrales adspirat, pro-
bare debet, se eo modo nobilem esse,
quo illud ejusmodi ordinum, vel Ec-
clesiarum statuta exigunt.

§. 86.

Nobilitas avita vel tantum ex
parte patris in nos derivatur, ein
halbbürtiger Adel, vel etiam ex
parte matris, ein vollbürtiger Adel,
quæ ultima species iterum vel *pura*
est, si in adscendentibus tam pater-
næ, quam maternæ lineæ nullus sit
diplomaticus, vel ignobilis, vel im-
pura

pura, si inter adscendentes talis inveniatur.

PROP. I. Der halb bürgerliche Adel, uti & nobilitas impura vi statutorum omnium fere Ecclesiarum Cathedralium, vel ordinum Equestrium ad capitula, vel tales ordines non admittitur, sed ea prerogativa est non nisi nobilitatis avitæ, plenæ, & puræ.

PROP. II. Quis ex nobilitate avita pura ad dicta collegia, & quidem ad determinatam quamdam Ecclesiam, vel ordinem in specie sit admittendus in regula definiri nequit, sed in eventum statuta horum collegiorum sedula sunt inspicienda.

§. 87.

Nobilitati, quatenus avita est, etiam competunt certæ prerogativæ, quarum fundamentum est sequens

PROP. Nobilitas avita præ reliquis speciebus Nobilium habet jus aspirandi ad eas dignitates, & honores, ad quos non admittuntur,

tuntur, nisi qui nobilitatem majorum suorum certo numero & qualitate probare possunt.

Inde patet

1. Dari dignitates, ad quas non nisi *Der vollbürtige Adel* adspirare potest, ubi insuper requiritur nobilitatem esse puram.
2. Dari officia, & dignitates, ad quas neque pura nobilitas, neque etiam *Der vollbürtige Adel* adspirare potest, nisi nobilitatem avorum numero, & qualitate iis dignitatibus conformi doceat.
3. Regulariter nobilitatem avitam præ aliis admitti. 1. Ad torneamenta, seu ludos Equestres. 2. Ad ordines Equestres. 3. Ad Capitula Ecclesiarum Cathedralium Germaniæ. 4. Ad dignitatem Cameraarii cujusdam Principis.

§. 88.

Nobilitas omnis est status hominis, qui illi a natura non competit, sed ex concessione Imperantis, consequenter probari debet. Probatur autem

1. Nobilitas gentilitia per diploma concessionis.
2. Nobilitas avita probatur per stemata genealogica, quæ si nobilitas avita in genere probanda est, ita comparata esse debent, ut inde pateat, omnes determinati cujusdam subjecti majores fuisse nobiles.
3. Si *Der vollbürtige Adel* probari debeat, ex stemate genealogico constare debet, majores tam paternæ, quam maternæ lineæ fuisse nobiles.
4. Si nobilitas pura sit probanda, ex stemate genealogico debet constare, nullum ex majoribus tam paternæ, quam maternæ lineæ fuisse diplomaticum, vel ignobilem.
5. Si ex stemate genealogico probetur, *der Stiftmäßige Adel*, ex eo constare debet omnes majores certo numero eo modo fuisse nobiles, quo id statuta capituli, vel ordinis, ad quem quis aspirat, exigunt.

§. 89.

Si quis prærogativas, quas quis habet intuitu nobilitatis, efficit manere sibi, *nobilitatem conservat.*

PROP. I. Nobilitas gentilitia conservatur, quamdiu quis adest ex ea gente, cui istæ prærogativæ competunt.

PROP. II. Conservatur Nobilitas avita per propagationem sanguinis.

PROP. III. Nobilitas avita conservatur pura per nuptias cum persona nobili, non diplomatica contractas.

PROP. IV. Der stiftmässige Adel conservatur ineundo nuptias cum femina, quæ pariter est ejusdem, & æqualis nobilitatis.

SCHOLION. Est & alius significatus hujus vocis: *conservare nobilitatem*, nempe quod idem sonat, ac efficere, ut familia quædam maneat in primo suo splendore, imo augeatur; hoc fit divisiones bonorum in familiis illustribus prohibendo, quorsum pertinet

1. Introductio fideicomissorum.
2. Introductio juris primogenituræ.
3. Constitutio apanagiorum.
4. Renuntiatio filiarum.

§.

§. 90.

Pereunt prærogativæ, quæ nobilitati gentilitiæ coherent præter modos generales supra memoratos. 1. Cum ultimo Gentis. 2. Nobilitas definit esse *vollbürtig*, si mater sit ignobilis, vel etiam alii majores ex linea materna. 3. Nobilitas definit esse pura per generationem ex nuptiis cum matre ignobili, & diplomatica contractis. 4. *Der Stiftmäßige Adel* definit per nuptias, & iis factam generationem cum femina quidem nobili, sed non ejus nobilitatis, quæ ad determinatum quoddam Capitulum, vel Ordinem requiritur.

PROP. I. Ex hoc quod quis respectu certi cujusdam capituli si *unstiftmäßig*, nondum sequitur illum esse talem respectu reliquorum.

PROP. II. Si nobilitas avita desinat esse pura, etiam plerumque, & vi statutorum, plerarumque Ecclesiarum & Ordinum definit esse *Stiftmäßig*.

Prop.

PROP. III. Per hoc, quod quis desinat esse *Stiftmässlg*, tantum amittuntur ea jura, quæ cum ista qualitate necessario cohærent, non vero jura Nobilitatis Gentilitiæ in genere, vel prærogativæ Nobilium in genere.

PROP. IV. Amissa semel qualitas *eines Stiftmässligen* non aliter iterum adquiritur, quam si nuptiæ in ea gente tamdiu cum filiabus *auss einem Stiftmässligen Adel* fuerint contractæ, donec avos nobiles justo numero, & qualitate possit allegare.

§. 91.

Nobilitas gentilitia diplomatica est nobilitas integræ cuidam familiæ noviter acquisita.

PROP. I. Omnis nobilitas avita origine tenus fuit diplomatica.

COR. Consequenter a Nobilibus avitis despicatui haberi non debet.

PROP. II. Jura Nobilitatis Gentilitiæ diplomaticæ sunt, quod 1) transeat ad omnes descendentes legitimos, 2) quod nobilitas diplomatica suo tempore

pore avita fieri possit, ubi desinit
esse diplomatica, & gaudet juribus
avitorum.

PROP. III. Gaudet jure insignium.

PROP. IV. Perit cum Gentis ultimo.

MEMBRUM IV. DE NOBILITATE IMMEDIATA, ET MEDIATA.

§. 92.

Nobiles, qui immediate subsunt
Imperio dicuntur *Immediati*, qui ve-
ro immediate subsunt dominis terri-
torialibus, dicuntur nobiles *Mediati*
seu *Lancessii*.

PROP. Prærogativæ Immediatorum præ
mediatis se fundant non tam in
nobilitate, quam immedietate.

COR. Quæcunque jura ex immedietate de-
duci possunt, ea sunt jura Nobilium
Immediatorum propria.

Scho-

SCHOLIUM. Quum sedes materiz de Nobilibus Immediatis fundetur in Jure Publico Imperii, lectorem illuc remitto, si qua ampliora desideret: hoc loco solum agimus de Landsassiatu.

§. 93.

Vocis: *Landsassius* varii sunt significatus. In sensu generico *Landsassius* dicitur, qui prædium quodcunque in territorio alicujus principis possidet.

Prop. *Landsassiatu* in eo significatu nullo modo nobilitatis quædam species est, eo quod possessio prædii in se, & ex sua natura non nobilitat.

§. 94.

In sensu specifico. *Landsassius* vel sumitur in sensu latiori, vel in sensu strictiori. In sensu specifico latiori *Landsassius* dicitur possessor prædii cujusdam, quod tabulæ provinciali est insertum.

Prop.

Prop. I. Etiam ignobiles possunt esse Landsassii in hoc sensu v. gr. civitates.

Prop. II. Possessio prædii, quod tabulæ provinciali est immatriculatum, tribuit qualitatem status provincialis.

COR. Jura, quæ Landsassio in sensu latiori competunt, non ex nobilitate, sed qualitate status provincialis sunt deducenda.

§. 95.

Status Provincialis dicitur, qui intuitu prædii, quod possidet tabulæ provinciali insertum, habet jus suffragii in comitiis provincialibus.

Prop. I. Non omnes prædiorum possessores sunt etiam status provinciales.

Prop. II. Qualitas status provincialis est qualitas realis.

COR. I. Cum prædio transit ad quemcunque ejus possessorem.

2. Non est dignitas personæ.

Prop. III. Etiam ignobiles possunt esse status provinciales.

§. 96.

In sensu strictiore Landsassius est persona nobilis, quæ prædium quoddam equestre possidet tabulæ provinciali insertum.

Qui Jura Landsassiorum in hoc ultimo, & proprio sensu explicare vult, diversa eorum fundamenta probe distinguere debet.

Prop. I. Landsassius in isto significato est persona jam aliunde nobilis.

COR. Landsassius in sensu strictiore nobilitatem non habet qua Landsassius, sed quia aliunde est nobilis.

Prop. II. Landsassius in isto ultimo significato possidet prædium matriculæ provinciali insertum.

COR. Inde etiam est status provincialis.

Prop. III. Landsassius possidet prædium Equestre.

COR. I. Consequenter gaudet omnibus juri-
bus, & privilegiis, quæ in determina-
ta quadam provincia cum possessione præ-

prædii cujusdam equestris sunt connexa
v. g. jurisdictione, & aliis &c.

2. Tantum præstat die Ritter Steuer.

Prop. IV. Landsassius possidet prædium
equestre domino cuidam territoriali
subiectum.

COR. 1. Domino territoriali est subiectus.
2. Convenitur immediate coram dicasteriis principis, sub quibus ejus prædia sita sunt.

§. 97.

Pro diversitate Provinciarum
etiam Landsassii vario modo dividuntur; sic in Saxonia abeunt in *Schrifft sassios*, qui cancellariæ principis sunt subiecti, & in *Amtsassios*, qui sunt sub jurisdictione præfecturarum.

Prop. I. Schrifft, vel Amtsassiatus regulariter inhæret prædio.

Prop. II. Schrifftassii sunt exempti a Jurisdictione præfectorum.

COR. Iis a principe, vel ejus curia immediate rescribitur.

SCHOLIUM. Plura de Amt, & Schrifftfassis vide apud SCHILTER de *Amtfassis*, & STRUV de *Schrifftfassis*.

MEMBRUM V. DE RELIQUIS NOBILIUM SPECIEBUS.

§. 98.

Nobilitas, quæ alicui competit, tantum pro sua persona dicitur *Personalis*, quæ vero alicui intuitu certæ dignitatis competit, dicitur *Nobilitas Officialium*.

Prop. I. Nobilitas personalis est jus personalissimum.

COR. Expirat cum persona.

Prop. II. Nobilitas officialium inhæret officio, & dignitati.

COR. Adquiritur cum dignitate, & cum ea perit.

Prop. III. Vi nobilitatis personalis, & officialis alicui competunt omnia jura
omni-

omnibus Nobilium speciebus communia, non vero propria.

COR. 1. Nobiles ratione suæ personæ, vel officii nobilitatem non propagant ad suos descendentes.

2. Non possunt adspirare ad dignitatem Camerarii, ad ordines Equestres, vel Capitula Ecclesiarum Cathedralium.

§. 99.

Ad nobilitatem personalem etiam referuntur certo modo *Doctores*, & *Personæ Graduatæ*, quæ quidem ævo priore in multis quædam præ Nobilibus Gentilitiis præcipua habuerunt, quorum tamen omnium non nisi flebiles quædam reliquiæ supersunt: ut autem constet, quam insignis fuerit Doctoris qualitas, addam hoc loco singulas eorum prærogativas, de quibus mihi quidem notitia est. Igitur

1. Liberantur ab omnibus oneribus, & præstationibus personalibus.
2. Immunes sunt ab hospitationibus militum.
3. Gaudent beneficio competentiae.

4. Gaudent jure insignium, atque ita quidem, ut sibi ipsi citra specialem Imperatoris concessionem quævis insignia sumant, modo alteri non sint propria.
5. In judicium vocati ad testimonium ferendum domi deponere possunt, clauso, & sub fide doctorali.
6. Torturæ subjici nequeunt.
7. Antiquitus habebant jus adspirandi ad Ecclesias Cathedrales, cujus privilegii vix non omnino sublata vestigia quædam in aliquibus adhuc Ecclesiis existunt.
8. Immediate subsunt dicasteriis principum.
9. Injuria in eos commissa dicitur *atrox*.
10. Habent jus gladios, torques aureos, & alia insignia portandi.
11. De rebus suæ professionis ubivis terrarum docere, legere, disputare, & respondere possunt.

Plura vide apud ITTER *de Gradibus Accademicis*. & HARPRECHT *L. 2. Inst.* ubi fusius privilegia Doctorum pertractat.

§.

§. 100.

Denique in Nobilium numero etiam aliquo modo locantur *Patricii*, qui sunt cives Urbium Imperialium, aut etiam Provincialium Insigniorum primi. Hi etiam sicut Nobiles vel *antiqui* sunt, vel *novi*.

Prop. I. Patricii, quia prærogativas suas non habent ex concessione imperantis, non sunt veri Nobiles.

SCHOLION. Inde videmus quasdam Patriciorum familias sibi nobilitatem ab Imperatore comparasse.

COR. Patricii qua tales ad torneamenta, aut Ecclesias Cathedrales nullo modo admittuntur.

Prop. II. Quæ jura Patriciorum propria sint, consuetudines, & jura statutoria determinant.

Prop. III. Inter prærogativas tamen primarias refertur, quod præ reliquis ad dignitatem senatoriam illius, civitatis, in qua existunt, adspirent, dantur tamen etiam Patricii, qui dicuntur *Unraths*, *såbige*.

MEM-

MEMBRUM VI.

DE

NOBILITATE BAVARICA.

§. IOI.

Dum de Nobilitate Bavarica hoc loco sermo est, omitto ea jura, atque eas Nobilium divisiones, ex qua non nisi jura oriuntur, quæ Nobilibus Boicis cum reliquis Germaniæ Nobilibus sunt communia: sunt igitur etiam in Bavaria Nobiles Aviti, & Diplomatici, item nemo dubitabit quoad numerum avorum, nisi aliæ speciales qualitates exigantur, Bavaros ad omnes Germaniæ Ecclesias Cathedrales esse admittendos, sed hoc respectu non aliis utuntur juribus, quam quæ membris præcedentibus fuere recensita. Dividimus igitur meliori fundamento Nobilitatem Boicam in *Gentilitiam*, & *Personalem*.

§.

§. 102.

Olim in Bavaria originarie omnis jurisdictio erat penes Serenissimos Duces. AVENTINUS *L. 7. in Annal. Bojorum.* Otto tamen Dux Bojariæ, & Hungariæ Rex, quum Regno Hungariæ excidisset, atque debita ingentia ad ejus recuperationem contraxisset, Statibus Bavariæ, qui in extinctionem eorum opibus suis concurrebant, anno 1311. Landishuti concessit Jurisdictionem inferiorem in eorum prædiis, seu Hoffmarchiis, vide 1. *Grenbrief de dato Landishuti die S. Viti 1311*; unde etiam descendit *Jurisdictio Hoffmarchialis* in Bavaria.

Prop. 1. Jurisdictio Hoffmarchialis Nobilibus non competit, vi nobilitatis, sed intuitu ejus, quod sint status provinciales, seu prædiorum, quæ matriculæ provinciali sunt insertæ, possessores.

Prop. II. Jurisdictio Hoffmarchialis est privilegium reale.

Cor.

COR. I. Cum pago transit ad quemcunque possessorem, etiam ignobilem, qui dicitur ein unbefreuter Guts- Inhaber.

2. Possessio Hoffmarchiæ non nobilitat.

Prop. III. Concessio jurisdictionis hoffmarchialis ex privilegio Ottonis tantum concernit Status Provinciales inferioris Bavarix, quæ extensio ad Status superioris Bavarix primum fiebat anno 1506. PERILL. AC EXCELL. L. B. DE KREITMAIER in not. ad Cod. Jud. Bav. Cap. I. §. 21.

Prop. IV. Hæc concessio tantum intelligi debet de integris pagis, & communitatibus, quæ illo tempore jure reali ad Status pertinebant, minime vero ad prædia singularia in præfecturis provincialibus sita.

§. 103.

Postea Serenissimus Dux Albertus anno 1552. Statibus suis Provincialibus, eoquod debita ad 800000. florenos solvenda in se suscepissent in dem 60. Freybrtes varia privilegia clementissime concessit. Nobilitati vero Bavaricæ suæ in specie juris-

risdictionem hoffmarchialem ita ampliavit, ut eam in prædiis etiam singularibus, quæ alias in districtu præfecturarum provincialium erant sita, extenderet, quam *Jurisdictionem Privilegiatam* dicimus.

Prop. I. Jurisdictio privilegiata non omnibus Nobilibus indistincte in Bavaria competit, sed illis tantum, qui tempore concessionis Albertinæ Nobilitati Bavaricæ fuerunt addicti, vel quibus ea noviter ex singulari Serenissimi Principis gratia fuit concessa. *Decret. Declarat. de anno 1641.*

Prop. II. Jurisdictio privilegiata est jus quorundam Bavaricæ Nobilium privativum.

Prop. III. Est jus familiæ cujusdam personale, nec inhæret fundo.

COR. Fæmina nobilis privilegiata nubens non privilegiato hanc jurisdictionem in prædiis separatis amittit.

Prop. IV. Ad hoc, ut quis privilegio Nobilitatis Bavaricæ uti possit, requiritur

I. Ut fuerit nobilis tempore concessionis Albertinæ, vel noviter
hoc

hoc privilegium ex Serenissimi gratia adquisiverit.

2. Debet esse instructus aliquo castro, vel hoffmarchia, quæ tabulæ provinciali sit inserta, ad quam tanquam principale prædia secundaria referantur.

3. Castrum principale non debet esse distitum ultra tria milliaria ab istis prædiis separatis.

4. Hæc prædia secundaria, & separata debent esse vera prædia *Höfse, Hueben*.

5. In quibus Nobilis habet proprietatem, præstationes annuas, & canonem annum accipit.

6. Qui canon debet esse verus, *eine Grundgült*: ergo

a) Canon non debet esse reservativus.

b) prædia non debent esse censitica.

c) Nec subditi debent esse homines proprii.

d) Nec debent esse communia cum ignobili.

7. Bene tamen extenditur auf die sogenannte drittel Lehner.

Prop. V. Concipimus hoc modo diversas Nobilium species in Bavaria *Privile-*

privilegii Nobilitatis Bavaricæ capaces, & incapaces.

§. 104.

Inter jura igitur privilegii Nobilitatis Bavaricæ capacium numeramus sequentia

1. Jurisdictionem inferiorem exercent in bonum five nobile, five plebejum, etiam noviter adquisitionum, modo adfint reliqua requisita supra Prop. IV. memorata.
2. Nobiles Privilegiati habent jus venandi minores feras in omnibus fundis non solum propriis, sed etiam alienis, & ad principem spectantibus,

§. 105.

Jura autem, & privilegia, quæ competunt Nobilibus non privilegiatis, sunt

1. Jurisdictio hoffmarchialis.
2. Jus venandi tantum exercent in districtu hoffmarchiali.

3. Coram solo domino territoriali, & ejus dicafteriis conveniri possunt.
4. Habent jus braxandi cerevisiam nigram, vel albam hordeaceam, & etiam in civitates, ubi habitant, pro usu tantum domestico ipsorum avehendi.
5. Ex generali privilegio Serenissimi Ducis, & Electoris Ferdinandi Mariae de anno 1672. gaudent jure erigendi dispositiones fideicomissarias, Majoratus, Primogenituras, in suis bonis, ita tamen, ut a regimine, sub cujus districtu hæc bona sunt sita, in matriculam redigantur.
6. Emptiones, & acquisitiones bonorum nobilium solum permittuntur Nobilibus, reservato in casum alienationis Nobilibus jure protimiseos.
7. Vidua nobilis vidualitium in defectu pacti petere potest.
8. Fundos emphyteuticos trahunt ad mansum dominicum, atque inde a steuris ordinariis, atque aliis oneribus eximuntur.
9. Habent beneficium competentiz.

Plura

Plura vide apud CLARISS. D. PRUGGER in *dissertatione de Privilegiis Statuum Provincialium Bavaricæ*.

SCHOLION. Hæc omnia jura etiam in Nobilitate Privilegiata tanquam minus in majori continentur.

§. 106.

Ad Nobilitatem personalem refertur in Bavaria præcipue die **Siegelmäſſigkeit**. Siegelmäſſig in Bavaria dicuntur illi, quibus præter jus insignia propria habendi etiam aliæ quædam prærogativæ competunt. De Jure Bavarico autem vi CODICIS JUD. Cap. 20. §. 9. n. 7. pro juris figillandi capacibus habentur. Alle geistlich und weltliche Stände, oder Landsassen, adeliche Personen, welche der Edelmanns Freyheit fähig, oder sonst für adelich erkannt, ausgeschrieben, oder Edelgebohren seynd, so lang sie sich ihrem

rem Stand gemäß halten. Item graduirte Personen, welche den gradum Doctoratus, vel Licentia- tus nicht etwann durch Comites Palatinos, sondern auf bewährten Universitäten erlangt haben. Alle Ober-Officier, Priester, Patricii, oder die von alten Geschlechtern in Haupt-Städten, dann alle Churfürstl. vornehme Beamte, worunter nicht nur die Churfürstlich sowohl wirklich, als Titular- Rätthe, sondern auch Churfürstlich, und Landschaftlich wirkliche Secretarii, ferner all jene Beamten, so mit Unterbeamten, versehen sind, wie die Pfleger, Landrichter, Pflegs- Verweser, Kastner, Mautner, Zoll- ner, jedoch mit Ausnahm der bloß- sen Weeg, Neben, oder Bezoll- ner, desgleichen die Salzmeier, und vornehme Salzbeamte, dann Wild, und Forstmeister bey jenen Aem- tern, welche allzeit mit adelichen, und guten Leuten besetzt gewesen, und.

und deren Verrichtungen die Jurisdiction nach sich ziehen, weiter der Hof- und Zahlmeister, nebst den Brauverwaltern, und endlich auch die Churfürstliche würkliche Kammerdiener, und Rechnungs Commissarii, dann Bürgermeister in denen Haupt Städten verstanden sind.

PROP. I. Jus figillandi acquiritur vel ab ipso principe, vel acquisitione officiorum & dignitatum supra memoratarum.

PROP. II. Jus figillandi pertinet inter privilegia, & in specie ad beneficia juris.

COR. Iisdem modis amittitur, quibus privilegium.

§. 107.

Qui juris figillandi capax est, gaudet etiam præterea aliis prærogativis, ad quæ pertinent.

1. Omnes actus, qui a plebejis in iudicio in scripturam redigi, vel protocollo inferi debent, ab illis manu propria expediri possunt.

Ergo mandatarium in iudicio constituunt manu propria, & subscriptione. COD. JUD. BAV. Cap. 7. §. 2.

a) Hypothecam expressam sub propria manu, & sigillo constituunt COD. JUD. BAV. Cap. 20. §. 9. 4.

b) Si ad contractum quemdam scriptura tanquam essentiale requiratur, illum propria autoritate in scripturam redigunt COD. MAX. CIV. P. I. C. V. §. 5. n. 3. 4

c) pacta dotalia propria manu conficiunt COD. MAX. CIV. P. I. C. VI. §. 29. n. 3.

d) Uti & sponsalia vi DECRETI NOVISS. 1769. n. 1. & 3.

e) Uxori, quæ in favorem mariti privilegiis muliebribus renunciat, certioratio, etiam extrajudicialiter per aliam personam habilem fieri potest. COD. MAX. CIV. P. I. C. VI. §. 34. n. 2. Atque alia, quæ ex dato principio generali facile deduci possunt.

2. Gaudent usufructu in bonis matris liberorum ad dies vitæ, etiam finita potestate patria. COD. MAX. CIV. P. I. Cap. 5. §. 5. n. 3.

3.

3. Si persona juris sigillandi capax decedat, ac liberos impuberes relinquat, proximi consanguinei gaudent jure eligendi inter se tutorem. COD. MAX. CIV. P. I. Cap. 7. §. 9. n. 5.

4. Exhibita sua in judicio clauso præsentare possunt, & vicissim omnia decreta, & signaturæ illis etiam clauso communicantur. COD. JUD. BAV. Cap. 4. §. 10.

5. Instrumenta privata a personis duabus juris sigillandi capacibus subscripta habent vim instrumenti publici, nec diffeffionem patiuntur. COD. JUD. BAV. Cap. 11. §. 2. n. 3.

SCHOLION. Jus tamen non jurato testimonium ferendi non est effectus der *Siegelmäßigkeit*, sed privilegium speciale Nobilium, Graduatorum, & Prælatorum. COD. BAV. JUD. Cap. 10. §. 14. n. 4. & PERILL. ac EXCELL. L. B. DE KREITMAIER in not. ad hunc §.

SECTIO III.

DE

SOCIETATIBUS,
QUÆ TANTUM DUABUS
PERSONIS CONSTANT.

CAPUT I.

DE SOCIETATIBUS IN
GENERE.

§. 108.

Ea est hominum natura, ac indoles, ut sibi solis non sufficiant: inde quasi necessarium est, ut aliorum vires implorent, quo magis id fiat existens, quod intendunt, seu ut *finem* suum consequantur: possumus ergo concipere conjunctionem hominum ad communem quemdam finem consequendum, quam *societatem* dicimus, & illi, qui eo modo se coniungunt, dicuntur *socii*.

Prop.

PROP. I. Nulla societas sine fine quodam communi concipi potest.

PROP. II. In omni societate ad minimum duæ personæ adesse debent.

PROP. III. In omni societate plures personæ debent esse conjunctæ, seu debet adesse nexus personarum.

§. 109.

Omnis societas supponit finem communem (§. 108. Prop. I.) qui vel licitus est, vel illicitus; inde etiam societas vel *licita* est, vel *illicita*; Utraque hæc societas vel habet pro fine communionem ejus, quod nostrum est, vel fieri potest, *societas bonorum*, vel alium quemdam finem, *societas personarum*.

PROP. Societates illicitæ non sunt tollerandæ, & nulla omnino gaudent juris assistentia.

SCHOLIUM. Hoc loco tantum sermo est de societate personarum; infra ubi de contractibus sermo erit, dicatur de societate bonorum.

§. IIO.

Societas personarum licita alium quemdam finem intendit, quam communionem bonorum (§. præced.) ergo vel generationem fobolis, *societas connubialis*, vel ejus educationem, *societas patria*, vel operarum præstationem *societas dominica*.

§. III.

Ulterius finis, quem focii intendunt, vel perpetuus est, vel temporarius: ergo etiam aliæ societates *perpetuæ* sunt, aliæ *temporariæ*.

PROP. I. Societas temporaria expirat cum fine temporario.

PROP. II. Societas perpetua regularitèr non nisi sola morte definit, si sit talis, in qua non in locum defuncti novus quidam focus succedit.

§.

§. 112.

In omni societate ad minimum duæ personæ adesse debent (§. 108. Prop. 2.) quæ in specie dicitur *societas simplex*, si constat ex pluribus societatibus, dicitur *composita*, si constat ex pluribus individuis, quæ non sunt societates, dicitur *collegium*. Societates compositæ ulterius vel *maiores* sunt, vel *minores*: Unde ortum trahunt *pagi, communitates, & civitates*.

§. 113.

In omni societate necessario debet adesse nexus personarum plurium (§. 108. Prop. 3.) qui vel voluntarius est, vel necessarius, prout nempe in sociorum arbitrio fuit, an se dicto modo voluerint conjungere, nec ne: inde *societates* vel, *necessariæ* sunt, vel *voluntariæ*.

Prop.

PROP. I. Omnis societas vel ex lege oritur, vel ex pacto.

PROP. II. Societatis voluntariæ natura ex pacto, necessariæ vero ex lege est desumenda.

PROP. III. Omnes societates voluntariæ regulariter non sunt perpetuæ, sed in sociorum arbitrio est; an ulterius conjuncti esse velint, nec ne.

PROP. IV. Societates necessariæ vel temporariæ sunt, vel perpetuæ, & tamdiu durant, quamdiu lex sociorum conjunctionem præcipit.

SCHOLION. Patebit infra, quasdam societates, quæ ex sua natura temporariæ sunt, voluntate legislatoris factas esse perpetuas.

§. II4.

In societate licita socii intendunt finem quemdam licitum (§. 109) Ergo etiam illis competit jus ea omnia agendi, sine quibus finis iste non potest existere, eoquod jus ad finem dat jus ad media. Huc etiam

etiam pertinet jus confocios obligandi, ne quid agant contra finem societatis communem: in omni ergo societate concipimus certa jura, & certas obligationes, quæ regulis his fundamentalibus continentur.

REG. I. Cuivis socio competit jus ea omnia agendi, sine quibus finis societatis non potest existere.

2. Quivis sociorum obligatur, ut ea committat, quibus impeditur existentia finis communis.

§. 115.

Jura, quæ ex natura societatis deducuntur, & obligationes. vel competunt omnibus sociis, *jura, & obligationes sociorum collegiales*, vel tantum aliquibus, *jura, & obligationes sociorum propria, vel singulorum.*

PROP. Jura, & obligationes, quæ ex societate tanquam persona morali oriuntur, sunt jura collegialia.

PROP.

Prop. II. Jura, quæ sociis tanquam individuis competunt, sunt jura singulorum.

Prop. III. Fieri tamen potest, ut quædam jura collegialia sint translata in certa membra societatis, quo casu illa jura desinunt esse talia, & fiunt jura singulorum.

Prop. IV. Hæc translatio jurium collegialium in unum, vel plures, qui sunt de societate, vel fit ex lege, vel ex pacto.

§. II6.

Sociis competit jus, & obligatio ea omnia agendi, sine quibus finis societatis nequit existere. (§. II4.) quare quum ad hoc etiam referatur jus dirigendi actiones sociorum ad bonum commune obtinendum & hoc jus dicatur *imperium*, seu *potestas*, sequitur in omni societate etiam esse *imperium*.

Prop. I. Imperium originarie, & ex natura societatis pertinet ad jura collegialia.

Prop. II. Fieri tamen potest, ut imperium societatis sit translatum in unum, vel vel plures sociorum, quod vel pacto, vel ex lege factum est.

Prop. III. Jus transferendi imperium in unum, vel plures sociorum origine-
tenus est jus collegiale.

§. 117.

Imperium ex natura societatis est penes omnia societatis membra (§. 116. Prop. 1.) fieri tamen potest ut in unum vel plures aut ex pacto, aut ex lege sit translatum (§. 116. Prop. 2.) nova ergo hoc ex hoc fundamento societatis species deducitur: nempe concipimus hoc modo societatem, in qua imperium est penes omnia societatis membra, *f. societatem æqualem*, & aliam, in qua imperium tantum est penes unum, vel plures, *f. societatem inæqualem*.

Prop. I. Omnis societas sua natura, & origine tenus est æqualis.

Prop.

Prop. II. Fieri tamen potest inæqualis
vel ex lege, vel pacto.

CAPUT II.

DE

SOCIETATE PATERNA.

§. II8.

Finis generationis alius esse nequit, quam generis humani conservatio, qui obtineri nequit, nisi illi, qui sunt procreati vitam conservent atque felicitatem suam promoveant: quod quum a primis nativitatis annis sibi ipsis præstare nequeant, ipsa adeo natura, & ejus lex certis personis injungit obligationem, & veluti nexum earundem constituit, cujus finis est educatio eorum, qui se ipsos educare nequeunt: neque etiam alteri cuivis ab ipsa adeo natura hoc onus

onus magis incumbit; quam iis, per quos factum est, ut educandi existant. Ex ipsa igitur natura concipimus societatem, cujus finis est sobolis procreatæ educatio, quam dicimus *societatem patriam*, socii, seu membra ejus societatis sunt *parentes & liberi*.

Prop. I. Fundamentum patriæ societatis naturalis est generatio.

COR. In patria societate non aliæ existunt personæ, nisi quæ mediante generatione immediatam relationem ad se habent.

Prop. II. Societas patria naturalis est societas simplex (§. 112.) & necessaria (§. 113.)

Prop. III. Ejus finis est sobolis procreatæ Educatio.

§. 119.

Societas patria de jure naturali est societas necessaria (§. 118. Prop. 2.)

Prop.

PROP. Parentes tamdiu ab illa societate recedere nequeunt, quamdiu liberi se ipsos educare non valent.

COR. I Cessante onere educandi cessat societas patria.

2. Eo reviviscente iterum reviviscit.

3. Nunquam plene dissolvitur, sed quasi suspenditur.

§. 120.

In omni societate concipitur jus dirigendi actiones sociorum ad scopum societatis (§. 116.) quod imperium, seu potestas dicitur (§. cit.) ergo etiam in societate patria.

PROP. I. Imperium in societate patria se fundat in facto generationis, ad quod quis concurrebat.

COR. I. Imperium patrum de Jure naturali tam penes matrem, quam penes patrem est.

2. In respectu quoad parentes societas patria est societas æqualis.

PROP. II. In respectu ad liberos societas patria est societas inæqualis, & quidem ex lege.

§.

§ 121.

Societas patria pro fine habet educationem sobolis (§.118.Prop.3.) quæ tam matri, quam patri competit (§. præc. Cor. 2.)

PROP. Quæcunque jura, & obligationes ex onere educandi deduci possunt sunt jura, & obligationes patriæ potestatis naturalis, inde

1. Parentes obligantur ad felicitatem liberorum promovendam.
2. Iis debent præbere alimenta.
3. Eos tenentur perficere tam quoad animam, quam quoad corpus.
4. Reverentiam, & obedientiam a liberis exigunt, uti &
5. Operas æconomicas, quamdiu victum a parentibus accipiunt.

§. 122.

Atque hæc sunt, quæ de societate patria naturali dici possunt, alia autem est societas parentum, quatenus jure civili consideratur: hic tamen notes

tes, patriam potestatem naturalem introductione juris civilis minime fuisse sublatam, sed tantum per jura positiva magis determinatam: est ergo societas patria etiam de jure civili

1. societas simplex.
2. Necessaria, &
3. In respectu ad liberos inæqualis.

§. 123.

Patria societas etiam de jure civili quoad liberos est societas inæqualis (§. præc.) maxime tamen potestas illa parentum fuit immutata 1. Per hoc, quod hæc societas etiam respectu parentum fuerit facta inæqualis. 2. Per hoc quod uni parentum præ altero plura jura, in liberos fuerint concessa, quæ jure naturali vel omnino non competeabant ulli parentum, vel saltem erant communia. Patet inde *potestatem patriam civilem*, de qua hoc loco, esse patriam

triam potestatem naturalem per prærogativas quasdam soli patri ex iurium civilium dispositione competentes magis fuisse determinatam.

§. 124.

Potestas patria civilis in complexu prærogativarum consistit, quæ ex iurium civilium dispositione soli patri fuerunt concessæ (§. præc.) quare quum diversa jura civilia varias patri prærogativas attribuerint, id nunc operam dabimus, ut quid quovis jure eidem vel accesserit, vel decesserit, curatius examinemus. Igitur 1. de patria potestate civili Romanorum antiqua. 2. De illorum noviore agemus. 3. De jure Germanico antiquo ejus naturam determinabimus tum vero 4. quid jure hodierno locum habeat, evolvemus.

§. 125.

De jure Romano antiquo tempore Romuli teste *Livio Lib. I. Histor.* tanta erat potestas patria in liberos, quanta Domini in servos, ita ut loco potestatis patriæ a Livio *Majestas Patria* dicatur. Ostendit illud ipsa Romuli lex: *Parentum in liberos omne jus esto relegandi, vendendi, & occidendi.* Præterea hæc prærogativa tantum erat Civium Romanorum *L. 3. ff. de his, qui sui, vel alien.* Ex his infero: *Patria Potestas de Jure Romano antiquo* est dominium quiritarium patri in liberos competens.

PROP. I. Omnia jura patris in liberos se fundant in hoc principio, quod illi in respectu patris sint res.

COR. 1. Constituunt unam tantum personam cum patre.

2. Sunt in dominio.

a) possunt indistincte alienari.

b) Possunt vindicari a quocunque detentore.

c)

- c) Quæcunque adquirunt, ea non sibi sed patri adquirunt,
- d) Potest in eos exerceri jus vitæ, & necis.
- e) Obligantur ad servitia patri præstanda,
- f) possunt dari noxæ.

Prop. II. Pater illis dat tutorem in testamento.

Prop. III. Iisdem pupillariter substituit.

SCHOLION. Ne quis mihi dicat jura, quæ ex educatione fluunt, utrique parentum esse communia; consequenter etiam jus tutorem dandi in testamento. Sed respondeo, jura naturalia, quæ ex educatione deducuntur, utrique parentum esse communia, quatenus non inter prærogativas sunt relata, quod de tutore testamentario factum esse ostendit lex XII. tabularum: *Paterfamilias uti de pecunia, tutelave rei sue legassit, ita jus esto.*

§. 126.

Antiqua illa patria potestas ipsis adeo Romanis durior vila est, quam quæ in omnibus foret retinenda.

M

da.

da. Unde est, quod illam in iis, quæ duriora visa sunt, immutatam videamus; & quidem jus vitæ, & necis ab Alexandro Severo in disciplinam domesticam mutatum est L. 3. C. de Pat. Potest. porro facultas alienandi ad extremæ necessitatis casum fuit restricta L. 2. C. de Patr. qui fil. distrah. & jus indistincte acquirendi limitatum fuit per introductionem peculiorum. Consistit ergo *de Jure Romano noviori potestas patria* in prærogativis, quæ ex antiquo dominio quiritorio fuerunt retentæ, vel limitatæ.

§. 127.

Germani antiqui, uti in omnibus, sic etiam in materia patriæ potestatis jura naturalia magis sequebantur, quam peregrina. RENZ *de mixtura Jur. Rom. & Germ. in materia de patria potestate.*

PROP.

PROP. De Jure Germanico antiquo patria potestas non alia fuit, quam quæ naturali jure fuit introducta.

§. 128.

Introductio Juris Romani in multis Jura Germanica. & constitutiones domesticas vel immutavit, vel omnino sustulit, atque uti supra capite præmiali ostensum fuit, dubii valoris reddidit: ubi simul etiam dictum fuit jus certum esse præferendum juri dubio, consequenter tamdiu esse præsumendum pro Jure Romano, donec valor juris domestici in hunc usque diem fuerit probatus, quod etiam ad materiam de patria potestate applicari potest. Studiosi enim ex Academiis, in quibus jura peregrina didicerant, reduces uti in omnibus jurium domesticorum ignari, ita etiam quoad casus circa patriam potestatem in foro obvenientes jus Romanum applicabant; unde valor Juris Germanici circa istam materi-

M 2

am

am dubius est factus. Præterea illud semper in foris nostris obtinuisse satis ostendit materia de peculio, quæ quidem juris Romani creatura est, sed in omnibus fere Germaniæ juribus provincialibus fuit retenta. IDEM RENZ *in cit. Diff. th. 5. & 6.* Est ergo *patria potestas civilis hodierna* patria potestas civilis Romanorum novior moribus, ac statutis Germaniæ ad nos propagata.

PROPR. Quæcunque jura ex antiqua Romanorum potestate patria sunt retenta, ea etiam jure hodierno ad prærogativas patris sunt referenda.

COR. 1. De jure hodierno pater, & filius habentur pro una persona. ILL. A WERNHER *P. V. Obs. 189.*

a) Filius nequit contrahere cum patre, quatenus est sub ejus potestate.

2. Dat tutorem in testamento, & substituit pupillariter. Consentit COD. MAX. CIV. *P. I. Cap. 7. §. 5, n. 1. & 2. item P. III. C. 3. §. 20.*

3. Adquirat per liberos pro ratione peculiorum. Consentit COD. MAX. CIV. *P. 1. Cap. 5. §. 3. 4. 5. & 6.*

4.

4. Habet jus consentiendi in nuptias liberorum, quæ eo præterito fiunt illicitæ. Consentit COD. MAX. CIV. P. I. C. 6. §. 4.

6. §. 4.

5. Vindicat liberos a quocunque detentore.*

SCHOLION. I. * Jus hoc videtur DE JUR. BAV. VI COD. MAX. CIV. P. I. C. 4. §. 3. ad jura utrique parentum communia referri.

SCHOLION II. De JUR. BAV. VI COD. MAX. CIV. P. I. C. 5. §. 2. adhuc notandum est, eo jure unitatem personæ inter patrem, & filium esse sublatam.

§. 129.

Inter præcipuos tamen effectus patriæ potestatis de jure hodierno refertur jus acquirendi per liberos pro peculiorum diversitate (§. præc. Cor. 3.) est autem *peculium* complexus bonorum, quæ filius familias habet separata a rationibus paternis.

PROP. Omne peculium ex sua natura supponit patriam potestatem.

Cor.

COR. Cessante patria potestate civili cessat
etiam peculium,

§. 130.

Peculium autem a filiofamilias
vel est adquisitum intuitu militiæ,
militare, vel non, *paganum*. Peculium
militare vel est adquisitum in-
tuitu belli, *castrense*, vel intuitu stu-
diorum, *quasi castrense*. Jure ete-
nim antiquo filiofamilias nulla ratio-
ne proprium quidquam sibi acqui-
rere poterant, quod dein Julius Cæ-
sar, ut homines ad militiam allice-
ret, eatenus limitavit, ut filiofami-
lias, si quæ ipsis intuitu belli parta
forent, eorum intuitu pro patribusfa-
miliis haberentur, quem favorem
dein Augustus, ut homines etiam
ad studia, & bonas artes alliceret,
eodem tenore, ac vi extendit.

PROP. I. Ratione peculii castrensis, vel
quasi filiofamilias habentur pro patribusfa-
miliis.

COR.

COR. 1. Ratione ejus cum patre possunt contrahere.

2. possunt etiam de peculio castrensi, vel quasi testari.

3. In iis filiusfamilias habet dominium usum fructum, & si majorennis sit, administrationem.

Prop. III. Ad peculium castrense referuntur omnia bona, quæ quis vel directe, vel indirecte, dummodo intuitu militiæ, adquisivit *L. 6. C. de castr. pecul.* etiam si ab ipso patre donata fuerint *L. 1. C. de castr. pecul.*

Prop. III. Bona intuitu militiæ acquisita non desinunt esse castrensia, etiam si militia fuerit finita *L. 4. §. fin. ff. de castr. pecul.*

Prop. IV. Ad peculium quasi castrense pertinent omnia, quæ filiusfamilias ex officio publico, & intuitu studiorum adquisivit. LAUTERBACH *Colleg. Pand. L. 15. tit. 1. §. 15.*

Prop. V. Hoc peculium in omnibus equiparatur castrensi. Idem LAUTERBACH, *l. cit. §. 17.* Cum his omnibus etiam consentit COD. MAX. CIV. P. I. C. 5. §. 4. Et PERILL, AC EXCELL. L. R. DE KREITMAIER, *in not. ad eund. §.*

§.

§. 131.

Peculium paganum completur ea bona, quæ filiusfamilias non intuitu militiæ adquisivit. (§. præced.) Hæc bona vel ab ipso patre, vel intuitu patris adquiruntur, *profectitium*, vel non, *adventitium*.

Prop. I. Quidquid ex re patris filiofamilias obvenit, hoc totum patri adquiritur §. I. *inst. per quas pers.* ita, ut neque momento subsistat in persona ejus, per quem adquiritur. L. 79. ff. *de acquir. vel omitt. hered.*

COR. Peculium profectitium habet naturam peculii antiqui.

a) In dubio præsumitur pro peculio profectitio. LEYSER *Med. ad Pand. Specim.* 164. *med.* 7.

b) In peculio profectitio patri competit ususfructus, dominium, & administratio.

c) Fructus peculii profectitii cedunt patri.

Prop. II. Ad peculium profectitium pertinent omnia bona, quæ filiusfamilias vel ab ipso patre, vel ejus intuitu ad-

adquisivit, quæ enim invidia est, quæ ex re patris, vel ejus occasione profecta sunt, hæc ad eum reverti §. 1. *inst. per quas pers.*

§. 132.

In peculio profectio patri tam dominium, quam ususfructus, & administratio competit (§. præc. l. b.) in arbitrio tamen patris est, an filiofamilias administrationem concedere velit, nec ne.

PROP. 1. Administratione filiofamilias in peculio profectio concessa natura hujus peculii non immutatur.

COR. Quæcunque filiusfamilias durante administratione acquirit, patri, non sibi acquirit.

PROP. II. Administratio hæc peculii est mere precaria. *COD. MAX. CIV. P. I. C. 5. §. 3. n. 1.*

COR. A patre pro lubitu revocari potest, si tamen in ipsa emancipatione filiis non ademit, illud donasse censetur. *L. 31. §. 2. ff. de donat. COD. MAX. CIV. P. I. Cap. 5. §. 3. n. 3.*

Prop.

PROP. III. Si filiusfamilias in administratione peculii profectitii debita contraxerit, creditores patrem convenire possunt *actione de peculio*, quæ est instituta contra patrem ad id, ut ea, quæ ex contractu filiifamilias in administratione peculii debentur, præstet, quatenus peculium sufficit.

COR. 1. Datur hæc actio illi, qui cum filiofamilias ratione peculii contraxit.

2. Adversus Patrem, qui administrationem filio concessit.

3. Sed tantum pro quantitate peculii.

4. Hæc actio annalis est finita patria potestate, ea durante vero perpetua,
L. I. §. 1. ff. quando de pecul. act. annal. est. De jure tamen Bavarico annalis est, facta computatione a die ademptæ administrationis. *COD. MAX. CIV. P. I. Cap. 5. §. 3. n. 2.*

PROP. IV. Peculium profectitium extinguitur cum patria potestate.

§. 133.

Peculium adventitium filiusfamilias nec a patre, nec etiam intuitu

tuitu patris habet (§. 131.) neque etiam titulo militiæ. (§. cit.)

Prop. 1. Peculium adventitium completur omnia bona, quæ filiusfamilias adquisivit, modo non a patre, vel titulo militiæ fuerint adquisita: huc ergo referuntur bona, quæ quis adquirit titulo donationis, legati, successione, bona materna, inventio thesauri &c.

Prop. Extinguitur extincta potestate patris.

§. 134.

In peculio adventitio filiofamilias vel competit dominium, patri vero ususfructus, & si minorennis sit administratio, *peculium adventitium ordinarium, regulare*, vel tam dominium, quam ususfructus est penes filium, *adventitium irregulare, extraordinarium*: ad hoc ultimum referuntur i. ea, quæ filius hac conditione acquirit, ne pater in iis habeat usumfructum, quæ tamen conditio

ditio de Jür. Bav. expresse adjecta esse debet, non tacite. **COD. MAX. CIV. P. I. Cap. 5. §. 6. pr.** Ulterius hæc conditio tantum illis bonis potest adjici, quæ non necessario sunt relinquenda liberis. 2. quæ filius contra voluntatem patris adquisit. 3. Ea bona, quæ cum patre fratri suo, vel sorori germanæ succedens ex successione acquisivit. 4. Bona, respectu quorum pater renunciavit juri suo, vel expresse, vel tacite, & denique 5. ea, quæ filio familias ex imperantis gratia obvenerunt.

Prop. I. In peculio adventitio irregulari patri nec dominium, nec usufructus competit, administratio autem eo tantum casu locum habet, si filio adhuc minorenni ab authore peculii administrator non sit datus.

Prop. II. De Jure communi filius familias de peculio adventitio irregulari, si perfectæ ætatis sit, inter vivos potest disponere, uti & mortis causa donare. **LAUTERBACH Colleg. Pand. L. 15. tit. 1. §. 27.** minime vero testari

stari, licet pater hoc permiserit. *pr. inst. quib. non est permissi. fac. testam.*

PROP. III. De Jure Bavarico peculium adventitium irregulare in omnibus æquiparatur peculio castrensi, vel quali. COD. MAX. CIV. P. I. C. 5. §. 6. *pr.*

COR. De Jure Bavarico filiusfamilias ratione peculii hujus recte condit testamentum; ex comparatione §. 6. *pr. P. I. Cap. 5. cum n. 3. §. 3. Cap. 3. P. III. COD. MAX. CIV.*

§. 135.

In peculio adventitio ordinario, vel regulari filiofamilias competit dominium, patri vero ususfructus, & administratio. L. 6. C. de bon. quæ lib.

PROP. I. Hæc jura patri regulariter tamdiu competunt, quamdiu durat potestas patria. Ex speciali tamen juris dispositione §. 2. *inst. per quas pers. facta* etiam emancipatione patri, quamdiu vivit, competit dimidium ususfructus, quoad bona autem materna tantum

tum in portione virili. L. 3. C. de bon. matern.

SCHOLION. Jus Bavaricum distinguit inter bona materna, & ea, quæ filiofamilias non ex parte matris accedunt, quoad ultima vult, ut soluta patria potestate ea indistincte liberis sint tradenda. COD. MAX. CIV. P. I. C. 5. §. 5. n. 2. Quoad bona materna vero distinguit inter Siegelmäßigen und unsiegelmäßigen Personen. Priores retinent usumfructum ad dies vitæ, obligantur tamen ut ex hoc commodo pro officio patris ratione dotis, & aliorum liberis subveniant, posteriores vero bona materna liberis emancipatis indistincte tradere debent, quin aliquid pro præmio emancipationis jure exigant. Obligantur præterea utriusque generis parentes, ut intra annum a die mortis maternæ sub pœna arbitraria bona materna liberis designent, & quidem die Siegelmäßige in præsentia agnatorum, & cognatorum, die Unsiegelmäßige vero autoritate judiciali.

PROP. II. Pater pro se habet præsumptionem juris, quod bona filiorum non ad-

administret in eorum perniciem, quod non tanquam tutor, sed vi patris potestatis agit. L. ULT. §. 4. C. de bon. que lib.

COR. 1. Pater non obligatur ad inventarium conficiendum, sed ad consignationem privatam bonorum adventitiorum.

2. Si simul usumfructum habet, tutus est a redditione rationum, nec filii familias ratione istius administrationis gaudent jure hypothecæ in bonis parentum L. 6. §. 2. C. de bon. que lib.

3. Administratio tamen in casu malæ administrationis eidem adimi potest. STRYCK *Uf. Modern. Pand. L. 15. tit. 1. §. 14.*

PROP. III. Ratione ususfructus immunis est a Cautione usufructuaria. L. 8. §. 4. C. de bon. que lib.

§. 136.

In potestate nostra sunt liberi, quos ex justis nuptiis procreavimus. pr. INST. de Patr. potest.

PROP. I. Patria potestas acquiritur per generationem ex justis nuptiis.

Prop.

Prop. II. Quod etiam in matrimonio putativo locum habet, modo pater fuerit in bona fide, quia tum filii sunt legitimi. C. 2. & 14. X. *qui filii sint legit.*

Prop. III. Patria potestas Civilis dicto modo non nisi in liberos legitimos acquiritur.

§. 137.

In liberos illegitimos patria potestas civilis acquiritur 1. Per nuptias cum matre illegitimi contractas, qui modus dicitur *legitimation per subsequens matrimonium*, & quidem secundum Jus Romanum ratio introductæ legitimisationis per subsequens matrimonium est sublatio concubinatus.

PRÔP. I. De Jure Romano per subsequens matrimonium non nisi liberi ex concubina nati legitimari possunt.

Prop. II. Ut constet de affectu maritali, requiruntur pacta dotalia. §. *fin. inst. de Nupt.*

SCHO-

1. tempore conceptionis.

2. requiritur, matrimonium initum fuisse a personis a personis alias non coniungibilibus

3. ~~et~~ solemnia ecclesie fuisse observata,

nam solemnia si non sunt observata, e.g. trina denunciatio; seu dispensatio, etiamsi matrimonium coram parrocho factum filii nati fiunt illegitimi.

Filius legitimus est, qui iusto tempore ex matrimonio secundum leges inito nascitur. etiamsi contradicat pater et mater. nam stat presumtio pro filio. nisi a evidentia facti, nempe impotentia viri, vel absentia contrarium probatur, tunc enim cessat presumptio. Google

SCHOLION. Quum ex principiis fidei Christianæ concubinatus sit sublatu8, hodie non dantur amplius liberi naturales in sensu juris Romani; præterea de affectu matrimoniali jure hodierno ex solemnitatibus a jure canonico præscriptis constat: Pacta ergo dotalia ad legitimationem omnino non requiruntur; inde infero

Legitimatione per subsequens matrimonium quatenus formam suam a jure Romano habet ad fora nostra nullo modo est applicabile.

§. 138.

Forma legitimationis de jure Romano, ac ejus ratio de jure hodierno non amplius locum habet, quærenda igitur est alia ratio, quam suppeditat jus canonicum C. 6 X. *qui fil. sint legit.* his verbis: *tanta est vis matrimonii, ut, qui antea sunt geniti, post contractum habeantur legitimi.*

Prop. 1. Ratio legitimationis per subsequens matrimonium est favor sacramenti, cum quo tanquam causa effectus legitimationis connectitur.

COR. 1. Inter quorum parentes potest subsistere matrimonium, illi etiam per illud legitimantur.

2. Sublato impedimento etiam per illud legitimantur omnes nati ex damnato coitu. Dissentit COD. MAX. CIV. *P. I. Cap. 5. §. 8. n.*

3. ubi tantum legitimationem naturalium admittit.

Prop. II. Legitimatio supponit matrimonium verum, non putativum, quod enim nullum est, nullos etiam producit effectus, nisi pro se habeat specialem juris adstantiam. v. gr. quoad legitimitatem.

Prop. III. Sufficit tamen matrimonium ratum.

Prop. IV. Præter matrimonium requiritur etiam consensus legitimandi, qui tamen præsumitur.

SCHOLION. Objiciunt contra **COR. 2.** ex eodem capite VI. X. Responsum vide apud ILL. BOEHMERUM in *Diss. de legitimatione natorum ex damnato coitu.* Tempore enim Alexandri III., sub quo hæc constitutio emanavit,
ma-

matrimonium inter adulterum, & adulteram generaliter erat interdictum, *praesertim*, si in vitam prioris conjugis quidpiam sunt machinati: consequenter Alexander III. aliter respondere non potuit, quam in dicto capitulo fecit. Innocentius autem III. postea C. 6. X. *de eo, qui duxit, &c.* legitimum matrimonium cum adultera statuit, modo promissio matrimonii, & insidiae vitae abessent. Quum ergo hoc loco matrimonium inter adulterum, & adulteram possit subesse, etiam liberi ex eo adulterio geniti legitimari poterunt.

§. 139.

Effectus legitimationis per subsequens matrimonium sunt, 1. quod per illud legitimati in omnibus æquiparentur legitime natis, ita, ut ipsis testimonia natalitia non tanquam legitimatis, sed legitime natis sint danda. 2. Operatur patriam potestatem. 3. Tollit maculam natiuitatis.

§. 140.

In illegitimos patria potestas civilis acquiritur 2. *per legitimatorem per rescriptum principis*, quod fit, si princeps declaret, se filium quemdam illegitimum etiam quoad jura patriæ potestatis velle habere pro legitimo; ad hoc requiritur de jure Romano

1. Ut legitimandi sint naturales liberi, non autem nati ex damnato coitu.

2. Ut propter impedimentum quoddam, vel mortem nuptias cum matre sobolis illegitimæ inire prohibeatur.

COR. Unde tantum in subsidium locum habet.

3. Ut ipse Pater principem imploret.

4. Ut alios liberos legitimos non habeat, vel illi consentiant.

SCHOLION. Quoad primum, illud hodie cessare patet, ex §. 138. Cor. 1. & 2. quoad

quoad secundum testatur STRYCK *in Us. Modern. Pand. L. I. tit. 6. §. 17.* etiam hodie legitimaciones a principe fieri viva concubina, vel matre prolis illegitimæ. Quod denique quartum attinget, illud hodie pariter extra omnem usum est, quum Pater præter legitimam nil prorsus relinquere debeat legitimis, si ergo legitimi legitimam salvam habeant, nil ulterius poterunt conqueri. De jure Bavarico tamen omnia juris Romani requisita locum habent. COD. MAX. CIV. P. I. Gap. 5. §. 6. n. 1.

§. 141.

Legitimatio per rescriptum principis vel *plena* est, vel *minus plena*, prout vel jura patriæ potestatis tribuit, vel tantum maculam nativitatistis tollit.

PROP. 1, Si nulli existunt liberi legitimi, legitimati plene per rescriptum principis obtinent, jura familiæ, & successionis. CEL. HELLFELD *Jurispr. for. L. I. tit. 6. §. 144.* non tamen

- a) Succedunt in feudis.
- b) In bonis primogenituræ.

c)

c) In fideicommissis familiæ.

Prop. II. Si vero adsint alii liberi legitimi, adquirunt jus succedendi, quatenus salva est reliquorum legitima (§. 140. Schol.)

Prop. III. Legitimatio plena operatur patriam potestatem,

Prop. IV. Tollit maculam nativitatis.

Prop. V. Legitimatio minus plena non alium producit effectum, quam sublationem maculæ nativitatis, quæ vel *mediata* est, vel *immediata*, prout vel ab ipso Imperante, vel a Comitibus palatinis fit.

Prop. VI. Legitimatio minus plena omnibus illegitimis etiam invito patre ab Imperante concedi potest.

§. 142.

Adquiritur etiam patria potestas civilis in eos, qui nullo modo a nobis descendunt, quod fit mediante *adoptione*, quæ est actus solemnis, quo in locum liberorum adsumuntur, qui natura tales non sunt. Adoptio est inventio juris Romani, qua

qua auxiliante succurrebatur familiis ex defectu successionis interituris, per hoc, quod illis, qui filiis destituebantur, permetteret, adsumptionem alterius cujusdam in locum filii.

PROP. I. Adoptio est actus sollemnis.

PROP. II. Introducta est in solatium orbitatis.

PROP. III. Adoptio fit ad effectum patris potestatis.

PROP. IV. Imitatur naturam.

PROP. V. Per adoptionem quis adsumitur in locum liberorum.

SCHOLION. Differt adoptio a *jure alumniatus*, seu *tutela occupatitia*, per quam liberi alieni, & precipue expositi adsumuntur in clientelam paternam: nam quum expositi habeantur pro emancipatis, non operatur patriam potestatem, 2. Pater hic nutricius a magistratu constitutus est tutor, sin minus, pro protutore est habendus: Jus ergo alumniatus non alia jura tribuit, quam ea tutoris, vel protutoris.

§. 143.

Adoptio est actus sollemnis (§. præc. prop. 1.) *actus* autem *solemnis* vocatur, qui in iudicio est peragendus.

COR. Adoptio debet peragi in iudicio, & quidem, si adoptio in specie sit, coram magistratu, si vero arrogatio, coram principe. Jus BAV. tamen arrogationes etiam coram iudice ordinario permittit. Cod. MAX. CIV. P. I. Cap. 5. §. 10. n. 3.

§. 144.

Adoptio est introducta in solatium orbitatis (§. 142. Prop. 2.)

COR. Illi solum adoptare possunt, qui propter ætatem liberos sperare nequeunt.
2. Si dispensatio non fuerit facta, adoptans ad minimum 60. annos natus esse debet.

§.

§. 145.

Adoptio fit ad effectum patriæ potestatis (§. 142. Prop. 3.)

- COR. 1.** Illi solum possunt adoptare, qui patriæ potestatis sunt capaces.
2. Fœminæ non possunt adoptare.

§. 146.

Adoptio imitatur naturam (§. 142. Prop. 4.)

- COR. 1.** Illi tantum adoptare possunt, qui natura generationis sunt capaces, ergo non

- a)** Castrati.
 - b)** Impuberes.
 - c)** Bene vero spadones, & Clerici.
- 2.** Illi solum adoptare possunt, pro quibus est præsumtio amoris paterni.
- a)** Pauper non potest adoptare divitem.
 - b)** Nec tutor pupillum ante rationes redditas.
- 3.** Qui adoptat, debet adoptivum posse habere filium.

a)

- a) Adoptans adoptivo plena pubertate major esse debet.
- b) Si quis aliquem adoptet in locum nepotis, ad minimum 36. annis debet esse natu major adoptivo.

§. 147.

Per adoptionem quis adsumitur in locum filii (§. 142. Prop. 5.)

COR. 1. Adoptio non potest fieri ad certum tempus.

2. Nemo potest adoptari tanquam pater frater, vel pupillus.

3. Bene vero in locum nepotis, ubi tamen requiritur consensus filii, si quis adfit, eoquod ille hæredem necessarium accipit.

§. 148.

Adsumitur autem in locum filii vel homo sui juris, *arrogatio*, vel alieni juris, *adoptio in specie*.

PROP. Quæ præcedentibus §§. de adoptione in genere dicta sunt, etiam

etiam ad arrogationem adplicari debent, specialia vero ex qualitate hominis sui juris sunt deducenda: ergo

1. Arrogationes a principe confirmari debent, non autem jure Bavarico, ubi sufficit confirmatio iudicis ordinarii.
2. Quum per arrogationem quis ex persona sui iuris fiat alieni juris, requiritur consensus arrogandi.

COR. Videmus inde, cur jure antiquo arrogatio impuberum fuerit prohibita, quam tamen Antoninus Pius permisit sub his requisitis, sc.

- a) Prævia causæ cognitione.
- b) Adhibito consensu tutorum.
- c) Et eorum omnium, quorum interest.
- d) Cautione ab arrogante præstita 1. de hæreditate arrogati impuberis, si ante annos impubertatis decedat, successoribus ab intestato restituenda. 2. De relinquenda quarta bonorum suorum parte in casum injustæ exhæreditationis, vel emancipationis: quarta hæc vocatur *quarta piana*, seu *quarta D. Pii*. Cum his consentit Jus Bav. vi COD. MAX. CIV. P. I. Cap. 5. §. 10. n. 8.

§. 149.

Effectus arrogationis sunt

1. Operatur patriam potestatem.

2. Tribuit omnia jura familiæ, quæ a potestate arrogantis dependent.

COR. Non ergo jura sanguinis e.g. nobilitatem.

3. Arrogatus succedit in omnia bona, super quibus arrogans pro arbitrio potest disponere.

COR. Arrogatus non succedit in feudis fideicommissis, bonis primogenituræ, & præterea in iis omnibus, quæ restitutioni sunt obnoxia.

§. 150.

Per adoptionem in specie homo alieni juris adsumitur in locum filii (§. 148.)

PROP. I. Adoptio in specie est mutatio patriæ potestatis.

PROP. II. Non omnis adoptio in specie tribuit jura patriæ potestatis.

Cor.

COR, Inde ejus divisio in *plenam*, quæ jura patriæ potestatis tribuit, & *minus plenam*, quæ tantum tribuit jus succedendi ab intestato.

1. Plene solum adoptant adscendentes minime vero extranei, aut collaterales.
2. Minus plene etiam fæminæ adoptare possunt.
3. Adoptio minus plena tantum tribuit jus succedendi ab intestato.
- a) Inde liberi minus plene adoptati manent sub patria potestate civili patris naturalis.
- b) Si in testamento adoptantis vel prætereantur, vel exhæredentur, quærelam nullitatis, vel inofficiosi nequeunt instituere.

§. 151.

Transimus ad modos, quibus patria potestas civilis definit, quæ patriæ potestatis dissolutio, vel *necessaria* est, vel *voluntaria*. Ad necessariam refertur

1. Mors naturalis filii.
2. Mors naturalis patris, si pater sui juris sit, si vero pater adhuc sit

fit sub potestate avi, etiam filii ab ejus potestate non aliter liberantur, nisi morte avi.

3. Mors filii civilis.
4. Mors patris civilis, ad quam refertur
 - a) Professio religiosa.
 - b) Bannum imperii.
5. Adoptio in specie plena, non vero arrogatio, aut adoptio in specie minus plena.
6. Nuptiæ, respectu filiarum.
7. Abusus potestatis patriæ.

§. 152.

Volente patre patria potestas dissolvitur vel emancipatione, vel de jure hodierno institutione separatae œconomix. *Emancipatio* est actus, quo pater liberos in potestate sua existentes ab ea dimittit, quæ vel *Vetus* est, vel *Anastasiana*, vel *Justinianeæ*: & filii eo modo ex potesta-

testate patria dimissi vocantur *emancipati*.

PROP. I. Emancipatio vetus omnino ab usu recessit, anastasiana vero tunc tantum locum habet, si fiat coram Comite palatino, Justinianeae tamen adhuc est frequentior. In Bavaria tamen bey Siegelmäßigen emancipatio fit unter eigener Fertigung, bey Unsiegelmäßigen coram iudice ordinario COD. MAX. CIV. P. I. Cap. 5. §. 7. n. 3.

PROP. II. Emancipati per emancipationem fiunt sui juris ex voluntate patris.

COR. I. Sibi adquirunt.

2. Pro libitu uxorem ducunt.

3. Testamenta faciunt.

4. De jure communi in peculio adventitio retinent dimidium usufructus, altera pars patri cedit in præmium emancipationis.

5. Profectitium, si pater non adimit, præsumitur ipsis esse donatum.

PROP. III. Emancipatio est vel *generalis*, vel *specialis*, prout filius quoad omnes actus futuros a patria potestate dimittitur, vel quoad actum specialem.

COR. In emancipatione speciali filiusfamilias quoad omnes reliquos actus manet filiusfamilias.

PROP. IV. Patria potestas per emancipationem tantum eatenus solvitur, quatenus est oneri liberis, non vero quatenus inde commodum habent.
CEL. HELLFELD *Jurispr. for. L. I. tit. 7. §. 162.*

- COR.** 1. Retinent jura familiæ, & sanguinis.
 2. Jura successionis.
 3. Hæreditatem ipso jure adquirunt.

PROP. V. Per eam non tolluntur jura patriæ potestatis naturalis.

PROP. VI. Emancipati sunt distinguendi a *liberis separatis*, qui certa portione ipsis judicialiter assignata ab ulteriore parentum successionem excluduntur. Inde

1. Separatio non debet extendi ultra successionem.
2. Manent sub potestate patria.
3. Illis bona parentum neque crescunt, neque decrescunt.

§. 153.

Moribus Germaniæ, & speciatim de jure Bav. vi COD. MAX. CIV. P. I. C. 5. §. 8. n. 4. patria potestas etiam solvitur *institutione separatae œconomiae*, quæ est actus, quo liberi eum arripiunt statum, in quo seorsim rerum suarum curam pro suo arbitrio gerunt, & ex propriis se sustentant.

PROP. I. Liberi, qui separatam œkonomiam volunt instituere, debent esse instructi debitis requisitis

1. Debent esse tales, ut rerum suarum curam gerere possint, atque ea adquirere, ex quibus se congrue sustentare queunt.

a) Qui curam rerum suarum gerere nequeunt, pariter nequeunt instituere separatam œkonomiam.

a) Debent esse majorennēs, nec prodigi.

b) Uti & qui non habent, unde se sustentent.

PROP. II. Ut Separata œconomia hunc effectum habeat, debet esse legitime instituta.

1. Absque consensu patris separata œconomia institui nequit, quia de ipsius præjudicio agitur, & filii, quamdiu sub patris potestate sunt, sine ejus consensu nil facere possunt.
2. Pater tamen justam dissensus sui causam addere obligatur, si filii sint majorennnes.
3. Hic tamen consensus non præcise judicialiter est declarandus.

SCHOLION I. Dignitas, & munus publicum, nisi institutio separatæ œconomiz accedat, præsertim de jure Bav. non tollit jura patriæ potestatis. *COD. MAX. CIV. P. I. Cap. 5. §. 7. n. 5.*

SCHOLION II. Quum institutio separatæ œconomiz sit species emancipationis, ita, ut eam DD. communiter emancipationem tacitam dicant, quæ de emancipatione dicta sunt §. præc. etiam ad institutionem separatæ œconomiz applicari debent,

CA-

